

BIBLE DAANA
BAPTIST-TE TUAMBIHNATE

(The Biblical Distinctives of Baptists)
(in Simte)

Donald K. Anderson
&
David M. Gower

Translated by
Rev. H. Thangliankham

Published by permission of
Regular Baptist Press,

1300 North Meachan Road
Schaumburg, Illinois 60173 - 4888 (USA)

Khanglai Pawl,

New Testament Baptist Churches Association
Churachandpur - 795 128

THUMAPUUI

Khanglai Pawl in Sunday School subjectte etthahna neih ahih nungin subject thum chiang bawl thah diinga lemsah himahleh, tu tanchiang ah akhatna i bawl thei pan uhi.

Hi lehkhabu 'Biblical Distinctives of Baptists' hi Regular Baptist Press U.S.A te'n piching zillai diinga ana bawl uh ahi.

Hi lehkhabu eihaam a lehkhiah diing hung phal sah, Vernon D. Miller, Litt. D. Executive Editor, Regular Baptist Press U.S.A. tunga ah Khanglai Pawlin kipaathu i gen uhi.

Huban ah ei Simte haam a hung lehkhiahsah, Rev.H.Thangliankham, MABS phattuumngaihna jiahin i kipaah petmah uhi.

Huleh unaupa Hh. Khaizathang, Manager, Baptist Press leh a staffte'n phatuam ngaitaha ahung buaipih sah na tungvah kipaah huai sa in kipaathu ka hung soi uhi.

Unau tuam tuamtein Lalpa gam a diinga phatuam ngaihna jaal a, hi lehkhabu sutna diing a Khanglai Pawl sum leh pai a na hung kithuahpih jiahun tu in melmuh theihin a umta hi. Hujiahin Lalpa paahtawi kawma kipaathu ka hung soi uhi.

A simtu zousiah, asunga thute tungtawnin Pathianin vaang hung peta hen !

- **Khanglai Pawl,**
New Testament Baptist
Churches Assosiation
Manipur : India

1-7-1995

Amah leh a ji Alice Anne leh a tate nih Christine Annie leh
David Mark toh Illinois gama Glen Ellyn ah ateeng uhi.

- Vernon D. Miller, Executive Editor;
James T. Dyet, Youth & Adult Editor,
Scott Byers and Annette Haskins, Assistants.

A Sunga Thu umte

Thumapuui

Min a bang um ahiai

01. Bangin Baptistte Bible daana tuambiihsah ahiai ? . 11
02. Bible thuneihna (Bible Authority) 21
03. Tualsung Kouhtuam mahni-thuneihna 28
04. Gingu zousiah Siampuhina 37
05. Baptisma : thugousiah nihte laha khatna 43
06. Kipawlkhawmna Annkuang :
thugousiah nihte laha a nihna 51
07. Mimal Hagau Jaleenna 58
08. Hutdam hitasa Kouhtuam member 63
09. Pastor (Office nihte laha khatna) 71
10. Deacon : Panmun nihte laha nihna 78
11. Kouhtuam leh Solkar kikhenna 80
12. Baptistte tanchin 84

LEKHAGIALTUTE TUNGTAANG

@ Donald K. Anderaon chu Regular Baptist Press ah 1984 apat Vacation Bible School Editorin ana pang hi. 1978 apat 1984 tan ama'n Iowa gama Ankemy a Faith Baptist College ah Faculty member leh, Local Church Ministries Department ah Chairman in natohna anei hi.

Mr. Andersonin Faith Baptist College apatin B.A. leh Th.B.degree ana mu a, huleh Indiana gama Winona Lake a Grace Theological Seminary apat M.Div. leh Th.M. degree amu hi.

Amah leh aji Elecanorin tapa khat James leh tanu khat Rebecca anei uhi. A innkuan un Illinois a Hoffman Estate kichi mun a ateeng uhi.

@ David M. Gower chu Illinois-Missionary Association of Regular Baptist Churches te State Representative ahi. Ama'n Illionis gam Lombard a Grace Baptist Church ah leh, California gama Pasadena a Trinity Baptist Church ah pastor nna a natongta hi. Ama'n Los Angeles Baptist Bible College a Department of Biblical Studies ah Chairman in zong ana pang ngeita hi.

Mr. Gowerin Baptist Bible College of Pennsylvania apat Th.B.degree amu a, Northwest Baptist Seminary apat M.Div.amu a, huleh Talbot School of Theology apat Th.M.degree amua huleh Trinity Evangelical Divinity School ah D.Min. abawl laitah ahi.

Mr.Gower chu GARBC ah Council of Eighteen in apang a, huleh Shepherds Baptist Ministries Board ah leh Baptist Family Agency ah Advisory Board ah member ahi hi.

sih hi. Baptiste thugin Bible toh akinaih peen chihna jiah ngot a kiletsahna toh Baptist min zat diing ahi sih hi.

Baptist min chu Kouhtuam thugin lama adinmun heetna badge ahih diing ahi. Dawl van leituin a van lei bang ahiaichih atunga min kibelh apat aheet mah banga i kouhtuam min i hihna i thugin leh juih a akiheet theih diing ahi.

Baptist kouhtuam leh Methodist aha, Presbyterian kouhtuam aha-in bang kikhiahna nei ade aw chiin na ngaihtuah ahi mai thei hi. Hi lekhabuin Baptist kichi kouhtuamte hi khovela kouhtuam pawl dangte apat atuamna Bible thuhilhna sawm ahung kawhmuh diing hi. Kouhtuam dang koia juih louh leh pomloun atuam mawng Baptiste'n akijui chihna ahi sih hi. Etsahnain Bible Pathian huhaihkhum hihna kouhtuam tamtahte'n agingta thouva, hizongleh Baptist chih min azang tuan sih uhi. Huleh kouhtuam khenkhat Baptiste thugin zousiah gingta veh, hizongleh Baptist chi a kiheetdoh ut lou zong um thei ahi. Kouhtuam dangte khenkhat hi thuhilhna khenkhat jui chu aum ngeei diing uhi. Hizongleh abawna juikimveh aum sih hi.

Baptist Distinctives

Baptiste'n headquarter (munpi) leh sahkholam houtu lian thuneihna tawia thupetu aneih louh jiahun Baptist distinctives neih jah zong akibang veh khel sih hi. Hizongleh ataangpi in sawmkhat chu Baptist Distinctives a ngaih deuh theih ahi.

B-Biblical Authority (Bible thuneihna)

Gindaan leh paidaan toh kisai zousiah ah Bible chu i thuneihna saangpeen uh ahi. Kouhtuam khenkhat'e'n chu a kouhtuam pawl uh phutdohtu lehkhagelhte bang, Kouhtuam houtute thupiahte bang, ahihlouhleh

Min a bang um ahiai ?

Na teenkhawmna khotaang sung uh khoitah aha ah natahsantheih mihon (company) khat aum hi. Dihtatna lam leh muanhuaina lam ah min phatna aloh uhi. Hute toh sil bawlkhawm ah bangmah bawl dihlouh khaah diing aum sih chih na he hi. Huleh hukhu jiaha na lungsima hamuanna na neih chu aphaat a pha ahi.

“Baptist” kichi zong min hoih tah ahi. Hichu kum ja tampi apat hung umtou ahita a, etkiahna hun hahsa tampi hung pal gaalkaizou ahita hi. Bible soidaan toh kituahlou mimal khenkhat leh kouhtuam khenkhat'e'n amahleh amah uh “Baptist” kichi zong leh, Baptist kichi min dihtah ah dihna, tagna leh muanhuaina aum hi. Baptiste'n Bible Pathian thu bangin a zah bawlva, huleh Pathian lehkhathute chauh gintaat diing leh zuih diing in thuneitu saangpeen ahi chiin apom tinten uhi. Baptiste'n a hinkhua u'leh a kouhtuamte u'chu hi Lehkhabu dungjuuiin a enkol uhi. Amahun a gintaat diing uleh apaidaan diing uh daan bawlsah kouhtuam polama kipawlkhawmna leh thuneihna bangaha mai ah a boh sih va, akuun ngei sih uhi.

Taangthu (history) in Baptiste'n Hundampa leh Pathian lehkhathu a ngaihnatdaan uh ahung hih hi. Baptiste'n a thugintaat uh gupnain thuaahna saangpeen ana peta uhi. Khovel mun china tanchinpha tutna diingin Missionary natohna nasatahin abawl uhi. Evangelism leh revival ngaih poimohna lianpi anei uhi. A Sunday School kihilhnaun Bible thu heetsiamna leh khantouhna lam ah gingtute apuuijing jing hi.

Bible gingta Baptistte chu gamsungmi (citizen)hoihtah leh Khristian; Pathian ngaihsahtahte ahi uhi. Amahun daanthu amangva, Bible a umdaanhoihte ajuu uhi. Amahun ni khat loh guun a ni khat tha piaah agingta uhi. Amahun innkuan leh lawmte angaisangva, huleh mihing hinna luuldaan atawisang uhi.

Achang changin, a thusoi banga gamtalou Baptistte mi na mukha mei thei a, hizongleh ataangpiin Baptistte chu a thutah va: a umdaan un a thugin uh asulang uhi.

Hi Baptistte Thugin Tuambihte na zilna apatin Baptist hih hi bang chihna heetna liansah seem in. Atuambiihna chinteng uh deihthoh inla, hukhu ah hin tum in. “Baptist” kichi mina mite muannamna neihsah diing khop Khristian khat Pathian lungsiatna a hin tum diingin kingaihtuah in.

- Editor

Jilmun -1 BANGIN BAPTISTTE BIBLE DAANA TUAMBIHSAH AHIAI?

(*What makes Baptists Bibically Distinctive ?*)
**Baptistte thuhilh tuambihte hi heet taah, juuh taah,
huleh kepbit taah ahi.**

Bazaar thupitah ah van lei diinga na chiah leh, vante tunga min kitaah zousiah laahmang veh anahita mai a. Sil chi tuamtuam chu dawlinn sung dimin akikoih teihtoih thou, tin sung leh lehkhawm sung leh singkuang bawm sungte ah van chi tuam tuam adimin aum a; hizongleh bang sil leh bang van ahiai chih na he-thei keei ta sih hi.

Hutomah bangin Kouhtuam tuam-tuamte minhaw- Baptist, Methodist, Presbyterian chihte chu sung lama i hinna min polama kitaahdoh (label) ahi. “Baptist” kichi kouhtuam khatin chu akhang akhanga Baptistte thuhilhna leh tawndaan hung kijuui toute zousiah juuh diing ahi. Hi kihilhnae chu “Baptist Distinctives” (Baptistte thugin tuam biihte) i chi hi. Hi kihilhnae chu Bible apat kilahdoh ahi chih i gintaat jahin hite chu “Biblical Distinctives of Baptists” (Bible daana Baptistte tuambiihnae) zong i chi uhi.

“BAPTIST” chih min chiamchihna (Label)

Puan bawltu lamte’n nasatahin min chiamchihna (label) a puan tungvah ahah taah mahmah uh. Jean, puannaah, toka, sweater, coat chihte bang hoihtahin amin atuangsah uhi. Huleh a min taah uchu ahihna u chauh heet diing hilouin, midangte a saangin ahoihjaw, atoujaw chih etsahna bangin zong ajang uhi. Ahiin, Baptist min chu huchibanga heetna diinga zat diing ahi

hutdamna diinga Khrist gingtate tan diing ahi sih hi; hikhuin Amah a ginna neih uh mipi heet diingin asulang uhi. Huchiin Khrist tahsang diinga neutralua a naupangte Baptisma bawl chu Thuhun Thah daan toh kituaahlou ahi. Ginna thuphuandoh gintaat huaitah bawl lou mi koi aha Baptisma piaah chu Pathian thu toh kikalh ahi.

Thugousiah nihna, Lalpa nitaah ann in Jesu tatna kithoihna a ensah hi. Tanghouin sual thoihna a kilaan a tahsa a ensah a, nouin sual ngaihdamna diinga luang A sisan a ensah hi. Pathianin hi silte chu i lungsimva Kalvari sulang jing diingin alemkuat ahi. Ama'n eiuh hi sil mangngilh baih i hih ahe hi. "Ajiahchu hi tanghou na neehva, huleh hi nou na dawn tengun, Lalpa sihna chu a hung masiah na ensah uhi." Paulin I Korinthe 11:26 ah achi hi.

I-Individual Soul Liberty (Mimal hagau jaleenna):

Mimal chinna a sialepha heetnain ahih banga gintaat theihna jaleen na leh mohpuaahna a kinei chiat hi. Koimahin amah lungsim toh kikalha bang-aha gingta diingin apawngbawl thei sih hi.

Baptistte'n hi mimal hagau jaleenna leh mahni deihteel theihna doctrine kibanglou deuhin apom uhi. Mahni deihteel theihna chu Pathian ma ah bang dih ahiai chih teel theihna lampang ahi a; mimal hagau jaleenna chih in polama kizopna toh kisai deuh ahi. Mi khatin sil bangaha khat gintaatna ah dih chih leh dihlou chih theihna akinei hi. Baptist te'n, mi chin a thugin tungtaangah moh akipuaah chiat uhi.

Mimal hagau jaleenna nan leh nial ahihna mun leh hun ah sahkhoham sawinain ajui jing jing hi. Khrist min pua mi tampite tanphain mite ginna thuneihkhum thumin gawtna,

lamkai masate thugousiahte bang thuneitahin apom uhi. Baptistte diingin chu Bible chauh thuneitu sangpeen ahi.

Baptist thuneihna santah chu ahung kipatna jiahin ahi. Bible Pathian Thu ahihjahin Amah thahaatna (silbawltheihna) in thu asoi a, hujiahin i thuneihna sangpeen uh ahih diing ahi. Mihing lehkhagelh dang bangmahin, hoihtawh zong leh Pathian thu atuh thei sih hi.

Dotna 1. Bible thuneihna leh Kouhtuam kivaipuaahna (Constitution) leh Thuginpihte toh bang tobangin na thei ei ? Bang jiahin ?

Baptistte'n Bible thuneihna gintaatna maiin Pathian akipaahsah diing chih agintaat mah banga A thu mang diin ahung deih hi. Pathian Thu ahi chih man ngota Bible jahbawl chu huntawh lou ahi. Jesuin, "Hujiahin koipouh hi ka thusoite ja a, jui chu mipil suangpi tunga inn bawl toh ka tehkhin diing hi". achi hi. (Matt. 7:24).

A. Autonomy of the Local Church (tualsung kouhtuam mahni kivaipuaahna)

Khristian sahkhua a pawl tampite sunga chu kouhtuam polama thuneihna khat in Kouhtuam sumlehpai zat daan diing programme bang, natongtu neih tungtaang bang, leh ginna thu tanpha bang ah thu a neihkhum uhi. Kouhtuamin tohguan (plan) thah bangaha aneih pat maun munpi (Headquarter) apat phalna (permission, approval) laah angai hi.

Baptist Kouhtuamte chu mahni kivaipuaah (self-governing) ahiva, amahuh sung thu akisai uhi. Local Church chu Lalpa Jesu Khrist, Kouhtuam Lutang kawmah moh apua uhi (accountable ahi uhi). Kouhtuamin a mipite uh ahihloughleh a upate uh kilunggualna-in thupuuahna akibawltheih uhi. Sil bangkim, Local Church thuneihna chu kouhtuamah aum hi

Dotna 2. Na Kouhtuamun mipite lemsahna telloua a lamkaite uh abawlsah phal uh bang bang silte ahiai?

Local Church tunga Khrist lutang hihna chu thu poimoh tah mei ahi. Mahni kivaipuaah Baptist Kouhtuam in chu Khrist in bawl diing achihte chauh abawl diing ahi. Local Church polam ah mihing thuneihna chu aum jing hi. Amah thuneihna ngaihsahlou Kouhtuam chu a Captain umlou long aha, ahihloughleh General bei sepaih hon bang giap ahi uhi.

P- Priesthood of all Believers (gingtute zousiah siampu hihna).

Gingtu chinteng chu Pathian siampu ahiva, huleh Jesu Khrist i Siampulal uh jaalin A maima ah tangtahn aluut thei uhi. Khristian khatin Pathian kawma a luanga luut diing mihing palai amamoh sih hi.

Thuhun Lui in chu Siampu kichite mi lawi khat mihing leh Pathian kikaala palai banga natong ana nei hi. Biahbuh ah, ahihloughleh temple ah. Siampute lat kithoihnain mite'n Pathian anaih thei uhi, ahihvangin, Thuhun Thah ah gingu

mimal chinteng Pathian kawma, a khotuahna Laltouphah a hung diingin ahung chi hi. (Heb. 4:16). Eimah hoihna jiah bangmah hilouin, Khrist i luanga sihna Pathian mai ma ah i tut thei hi.

Baptiste'n Pathian mitmuh ah Sahkhua na lama houtu lian tuambiih leh mi vaantaangte kikhiaahna aumsah sih uhi. Vaangam kotkhaah chu gingu thah peen a diing leh Pastor kumlui patawp a diingin kibangin akihong hi.

Dotna 3. Gingtute Siampu hihna agingta tahtah sih uh chih sulang thei Khristiante'n achaang chiang a soi uleh abawl uh bang ahiai ?

T-Two Ordinance (Thugousiah Nih)

Pathianin etsahna nei thugousiah nih Kouhtuamin abawl jing diing uh ahung guatsah hi, hute chu tuia kiphuum tuma baptisma tan leh, Lalpa nitaah Ann neeh ahi. Hi natoh nih kibawlte'n chu Khrist in eih diinga tatna nna ahung tohsah a ensah a, hizongleh akhoimah in zong Pathian mit muh a deihsahna ahung musah thei tuan sih hi.

Baptistma tanin gingu khat chu Khrist toh ahung kizopsah hi. Tuisunga luutin gingu khat chu Khrist toh a sihna ah akizopsah hi; tui nuaia um in Khrist a sihna a akizopna uh a ensah a; huleh tui a kipan ahung pawtdohin gingu chu Khrist thohkiitna toh akizopsah hi. Tuia kiphuum chauhin hi etsahna a sudih a, mi khat tunga tui thehin Khrist sihna leh thohkiitna tanchinpha laimu tah a ensah theisih hi.

Silbawlte bu ah mite'n Khrist a gintaatva, huzoh chianga baptisma atan thu uh i mu hi. Tunin zong Baptisma chu

I ginna lamva haattaha i um uh i mamoh uhi. I kouhtuamte uh Baptist Kouhtuam dihtah a i keptouh jeel apoimoh hi. Baptist doctrine helou leh henuam a dongte panpih thei i hih uh apoimoh hi. Huleh Baptist kichi min hi bang chihna ahiai chih i heet uh amamoh hi.

Nichin Hinkhua a Suhlat:

Baptistte thugin bihte hi Bible thutah hi ahihna chih i gintaat chauh diing hilouin, juih zong i juih diing uh ahi. Etsahnain, “Bible thuneihna” chih bang tu kaal sunga devotion a na Bible dawng simte leh zahte abawltu hihna in atahtahin na ensah thei hi. Pathian Siampu na hihna chu-Akawma haamteiin thu soi in, huleh hagaulam kipaahthusoina kithoihna latna lemtaang nei kawmin sulang veu in.

sawina, muhsitna leh inn lou laahsahna leh suangkul taanna tanpha apia uhi.

S-Saved Membership (Hutdam hi member):

Baptistte’n chu mi Khrist a agintaatna uh testimony gintaat huaitah pia a, huleh Amah toh a kizopna uh tuiphuum la a sulangtute chauh Kouhtuam member diingin ala chauh uhi. Thuhun Thah kouhtuamte chu misual hutdamna tang “misiangthoute” Pathianin akoih tuam, huleh mimal silbawltheihna apat Pathian Tapa deihtah gama luutsahte ahi uhi (Kol. 1:13). Ahinlah Apostlete khanglai a kouhtuam member chinteng hutdam ahiveh uh chia ngaihtuah chu dihlou diing ahi. Khrist nungjuuite ngeei laha khat chu mangthang tapa ana hi hi. Amin chu Judas Iskariot ahi. Hizongleh kumzabi khat laiin hutdam hite chauh kouhtuam member a pan chu adaan paipi uh ahi a, tulaia zong ahih diing ahi. Hikhuin Kouhtuama member hih diing utte hagaulam dinmun khualchilna ah tualsung kouhtuam mohpuahna aliansah mah mah hi.

Dotna 4. Kouhtuama member hih diing ut candidate pa/nu hi hutdam ahina chih heetchian theihna diingin bang bang dotnatein kouhtuam apanpih thei diai?

Hutdamte leh hutdam loute jong mihing ahi tuaah tuaah uh: umna kibang leh damlai khovel sil zousiah kibangin atangang atuaah uhi. Hitamahleh amah achu hagaulam sil ah khovel gei langkhat tuaah a kikhen ahi uhi (2 Kor. 6:14-7:1). Hujiahin Pathianin Local Churchte chu “Khrist a silsiam thah” hi diingin ahung deih hi.

Gingtu hon khat umkhawmte chauhin pumpi khat bangin nna atongthei va, Bible a “Khat leh khat” chia thuhilhna khu a tungvah ataangtung thei chauh hi. Hutdam tate kipawlkhawm chauhin “Thupiaah Lian” (The Great Commission) hiin, thupiaah dang dangte hileh asutaangtung thei chauh uhi.

T-Two Officer (Panmun nih):

Bible in tualsung kouhtuam ah panmun (Office) nih chauh um diingin aguat hi: hute chu-Pastor leh Deacon ahi. Thuhun Thah in “Pastor” “Upa” (Elder) chih leh “Bishop” (Houtu) chihte hi panmun khat chihna min tuam tuam ahi chih ahung hilh hi. Huleh houtu (Bishop) ahihna-in belaampu bangin Pathian belaam pawlte avaah a, akeem hi. Upa ahihnain, gamtat ettontaah, piching, juih diing apiah hi. Huleh houtu (Bishop) ahihna-in Kouhtuamte natoh silbawl daan diing ahilh a, aveengbit hi (direct and watch).

Dotna 5. Na pastorpain Elder (Upa) banga, Bishop (houtu) banga, huleh Shepherd (pastor) banga nna atohna na muh theihna lam tuam tuamte bangbang ahiai?

“Deacon” kichi thuteng chu “natongtu” ahihlouhleh “Suaah” chihna ahi a; Lalpa mite nna atohsahna tungtawna Lalpa na tongtu ahi. Mi “kouhtuam upa (deacon) nna hoihtaha tongte’n chu dinmun hoihtah leh Khrist Jesu a um ginna lama haansanna loupitah akisiam uhi” (1 Tim. 3:13).

S- Seperation of Church and State (Kouhtuam leh Solkar kituamkhenna)

Pathian kouhtuam leh Khovel solkar anihna aphutdoh a, huleh a natoh diing daan uh aguatsah tuaah hi. Khat in khat tunga thu aneihkhum louh diing ahi. Rom. 13:1-7 ah khovel vaihawmna thu a Pathian silguat leh vaihawmtute leh gingtute kiZopdaan bangtobang hi diing ahiai chih ahung hilh hi. Solkar in silhoih bawlte chu apahtaat diinga, silgilou bawlte chu agawt diing ahi. Pathianin solkar chu silgilou bawlte tunga lunGthahna phubalatu hi diingin thu apia hi. Hikhuin chu mihing hinna lahsah theihna thahaatna ahuam hi.

Matt. 28:19,20 in Kouhtuam natoh diing asoi hi. Kouhtuam natoh bulpipeen chu nungjui bawla, huleh amah u’chu Pathian thupiah Zousiah juui diinga hilh ahi. Kouhtuammin tanchinpha chu mite kawmah atat a, gingtute hagaulama khangliana, haat leh gahsuaah diingin apanpih hi.

Kouhtuam leh solkarin natoh tuam tuaah anei uhi. Amohpuaahna tuaah u’chu khatin khat athuneihkhum louh chiangun a tong hoih thei uhi. Ahiinlah hichu, Kouhtuam memberte’n solkar chu dihtatna lamah a influence thei sih diing uh chihna leh, solkarin Kouhtuam hiseelna diing leh a vanneihthe uh bitna diing angaihtuahsah thei sih diing uh chihna ahi sih hi. Pu khat nuai a natongtu nih bangin solkar leh Kouhtuamin Pathian nuaia nna atohkhawm diing uh ahi.

Apoimoh ! Sim ngei ngei in:

Hi course in eih diinga heet poimoh thu tampi anei hi. Thutah dungjuia ginumtaha ding kouhtuam a i tel uh amamoh hi. Amin po maimai hilou a, Baptist tahjet i hih uh amamoh hi.

“Kimaaituaha” houlimna bang (Pawtdohbu 33:11), mangbang (Gen.28:10-15); Silmahte bang(Exod.4:2-5), huleh Khrist tahsa a hung pian mateng a mihing banga polam muhtheihna kilatna zousiahte ahi. (Gen.18:1,2,13,17,33).

Kiphuandohna tuambiih a saangpeen leh bukimpeen chu Pathian Tapa Jesu Khrist ahi. “Pathian, ni dang laia i pulepate kawma lamtuam tuam leh je tuam tuam a jawlneite janga thu nasoipain hi ninunungte ah a Tapain i kawmah thu asoita hi” (Heb.1:1,2). Khrist in Pa lungsim bukimtaha apuandoh jiahin amah chu Pathian “Thu” akichi hi.(John1:1,14).

Pathian kiphuandohna tuambiihin Pathian tungtaanga a hutdamna bang leh mihingte hung kuanna, leh umsan leh a tunna diing uh heet diinga mamoh zousiah ahung hilh hi.

2. Pathian, Huhaihkhumtu Lian (God the Great Inspirer)

Pathian lehkhathu i chih saaphaama “Scripture” kichi hi. “Script” apat hung kibawldoh ahi a; huchu “Sil bang aha khuta gelkhiaah” chihna ahi. Tulaiin chu Pathian thu kigial khia Bible chu “Scripture” chih ahita hi.

II Tim.3:16,17 in “Pathian lehkhathu zousiah chu Pathian huhaihkhumta piaah ahi, thuhilhna diing bang, kitaaihilhna diing bangin aphatuam hi. Pathian mi chu na hoih zousiah tong diinga kimtaha kithuama abukim theihna diingin” chiin Pathian lehkhathu (Scripture) hung kuanna (origin) ahung hilh hi.

Dotna 2. II Tim.3:16 in abiihtahin bang ahiai Pathian huhaihkhumta kipia ahi achih?

Jilmun - 2

BIBLE THUNEI HNA

(Biblical Authority)

Gingtu chinin Pathian Thu aman poimoh ahi

Jann (building) khat chu a kingahnabul (foundation) Jakip bang dungjui chauh a det ahi. Gintaat thu zong huchibang mah ahi. Bible chu i thugin zousiah kingahna bul (foundation) ahi. Hujiahin Bible kingahna-taah hihnain i ginna uh muanhuaina leh bitna asiamdoh hi. Bible hi malai Judate leh Khristiante ngaihdaan kigelhkhawm mai a i ngaih in chu, a thusoite in hung kan lou, huleh dihlou tanphain i he diing hi. Hizongleh Bible hi mihingte kawma Pathian thusoi ahi chia i heet chiangin chu, a thusoite chu thuneitah leh dihlouhna bei ahi chih i gingta hi.

(1) PATHIAN, PHUANGDOHTU LIAN

[God, the great revealer]:

Mipichingte leh naupangte kikungbuh (hide-and-see) kimawl na mukha ngei tai? Mipichingpa chu naupangpa muh zohlouh diingin hoitahin akibu thei a, huchiin ama'n naupangpa'n amuh theihna diingin khukgingin, ahihlouhleh bangaha sugingin themkhat kihilhna abawl hi. Pichingpa'n naupang in amuh diing deihsah mahleh amah panpihna louin amu ngei sih diing chih ahe hi.


Pathian leh mihingte kikaal thu zong hutobang deuh ahi. Adamin Pathian thu amanlouh apatin sualin Amah apat ahung khenta hi. Pathian i kawma akiphuan doh louh ngaalleh bangchih tana zong Amah mu ngei lou leh he ngei lou diing i hi uhi. Pathian chu Amah toh i kipawl a ut a, hizongleh Amah i het zohlouhdaan uh Ama'n ahe hi. Hujiahin Pathian Amah-leh-amah mihingte kawmah akihesahta hi.

Pathianin thutah khenkhat mihingte a diing in akawmvah aphuang doh hi. Hutobanga kiphuandohna louin chu Pathian bang tobang ahiai chih aha, ahihloulleh mihingte hung kipatna bang, leitunga i umna san bang leh i tunna diing bang i hethei sih diing uh. Hi dotnate dawnbutna diingin Pathian apat kiphuandohna i mamoh hi.

Pathian Amah tungtaang leh, i heetdiing va poimoh thutan lam nih aphuangdoh hi- kiphuandohna taangpi (General revelation) leh kiphuandohna biih (Special revelation) ahi. Vaante'n Pathian loupina aphuanga, huleh huihkhuan a khut natoh asulang hi. Ps. 19:1 in achi hi. Pathian mimal leh i namte uh chu "amah uh lampi chiat a achiah uh anaphal a, hizongleh Amah heetsahna bawllouin ana umsahsih, huchiin silhoih bawlin, vaan apatin guahtui leh gahpha bangkim ahung pia a, i lungtang uh neeh diing leh kipaahnain asudim jing hi" (Silbawlte14:17). Pathian in chu Amah a um ahi chih leh silbawlthei tah ahihdaan a natoha-silbawlthei tah ahihdaan a natoh-silbawltein a sulangta a, huchiin Amah gingtaloute chu suanlam diing neilou ahi uhi. (Rom. 1:18-20). Pathianin kiphuandohna taangpi chu mihingte taangthu (history) a control na ah amuhtheih hi. Pathian mite kawmah Paulin namte a dindoh leh apuuh sah thu soi in Pathian chu Silsiamtu (Creator) leh thuneihkhumtu (controller) ahihdaan ahilh hi. (Silb.17:24-27). "Dihtatnain nam atawisaanga, hizongleh sual chu mite diingin muhsitna ahi." Thupilte 14:34 in achi hi.

Pathian kiphuandohna taangpi khat mah chu mihingte sunggil lama sialepha heetna khu ahi. Pathian daan he ngeiloute'n Pathian deihdana agamtat theih u'chu a lungtang vah Pathian daan a-kigial ahi chihna ahi. (Rom. 2:14,15a).

Dotna 1. Bible sim ngeilou leh hengeilou mite'n hagau daana angeina mawnga hoih leh hoihlou chiha aheet khen theih uh bangbang ahiai?



Hehpihna ah khangun ...

II Tim.3:16,17 gelh diing.

Pathianin a deihjawng i bawlltheihna diing in Vanzat poimoh bukim ahung pia hi.

huleh Heetna ah

Jer. 1:4-9

John 10:35

I Kor. 14:37

Gal. 1:11,12

II Thess. 2:13

II Pet. 1:20,21

Pathian silsiam (creation) limdangtah leh, namte din leh puuhna leh, mihingte sunggil lama sialepha heetna chu a loupinate, haatnate, leh dihtatnate leh thumanlouhna giitlouna uh suhlatnain a jang hi.

Pathian kiphuandohna taangpiin chu Pathian aum tahjet ahi chih Chiang Chauh ahung hilh thei a, hizongleh mihingte hutdamna tanpha ah apuitung thei sih a, huleh mihingte hung kipatna leh, hinsan leh a tunna diing utoh kisai bangmah ahilh thei sih hi. Hulou ah zong, kiphuandohna vaantaang chu sualin asubuaia, hutdamlouh mihingte lungsimin ahesiam but sih hi.

Kiphuandohna taangpiin Amah heetna apiah saanga hoihzaw leh bukimzaw aneih theihna diingin Pathianin kiphuandohna tuambiin (Special Revelation) ahung pia hi. Kiphuandohna tuambiin in chu Pathian aw chu jaah theiha ging bang (Gen. 1:28-30,3:9);

Jilmun -3 TUALSUNG KOUHTUAM MAHNI- THUNEIHNA

(Autonomy of the Local Church)

Khrist chu tualsung Kouhtuam Lutang leh thuneitupeen ahi a, huleh hi sunga sil zousiah a control diing ahi.

Hitahah mohpotu koi ahiai? chih dotna chu mun chinna dotna taanglawn (common) mahmah ahi. Koiahain na Kouhtuam uh hung veh henla, “Na lamkaipa uh kawmah hung pui in” chita leh koi kawma leh khoitah ah na tut diai?

Tualsung Kouhtuam tamtahte chu polama thuneihna in a control hi. Hu thuneihna chu District Superintendent aha, Bishop aha, ahilouhleh Presbyterian bang ahi thei hi. A min bang hitaleh, mimal koiaha mihon bangaha leh office khatin kouhtuam tunga thuneihkhum theihna akibawldohta hi.

“Autonomy chih umjia chu “Mahni-kivaihawm” chihna ahi. Tualsung kouhtuam jaleenna i chih chiangin tualsung kouhtuam khat chu polama thuneihkhumna (control) apatin jaleen (free) ahi, chihna ahi. Hukhuin chu tualsung kouhtuam kivaipuaahna diinga mihing thuneihna zousiah chu tualsung kouhtuam sung mahah aum hi chihna ahi.

Dotna 1. Na local church sungah thuneihna khoitah ah aum ei?

Thuhun Thahin tualsung kouhtuam mahni kivaipuaah ahihna lam tuam tuam in ahung ensah hi. Khristian khatin adang khat sual abawlkaah tungtaang ngaihtuah daan toh kisaiin tualsung kouhtuam chu thuneitu sangpeen ahi.

Hitah mun ah letdohtute’n “Pathian huhaihhkuma piaah” chih thutengte chu Greek haama thuteng khat “Pathian huhaihhkhum” chih hillnain ajang uhi. Hailou a umtoh thusoi akikop thei sih hi. Pathian huhaihhkhum chih umjia tah chu Pathian lehkhathute chu Pathian soi ahi chihna ahi.

“Huhaihhkhum” (Inspired) chih thuteng hi jat daan tuam tuama jattheih ahijiahin II Tim.3:16 thu hi mi khenkhatin ngaihdaan dihlouin angaihtuah uhi. Thanuamsah, lungluutsah, chiiltawn, chih leh adang dangte “inspired” chiin alet theih hi. Hitamahleh Bible Pathian huhaihhkhum chihna mun ah atunga thutengte akizang thei sih hi. Pathianin agialtute hilouin a lehkhagelhte uh ahaihhkhum ahijaw hi.

Pathian chu Bible bawltu (Author) ahi a, hizongleh Ama’n a gialtu diingin mihingte ajang hi. Kum jasawmlenga sung Pathianin Bible gial diingin mihingte ana jang hi. Mihingte lah haatlouhna, hoihlouhna, lohsapna leh chinlouhna a dim aki hi a, ahihleh Bible hi bangchidaana sesuaah, bolhhoh lou adiai? A dawnna chu II Pet. 1:21 ah i mu hi. “Ajiahchu thusoilawh mawng mawng nidang laiin mihing deihdaana pawt ahi sih a, Pathian misiangthoute’n Hagau Siangthou phuut ahih bangjeel un anaso ahijaw hi” chi in. Tuiluingin nahpa atoh chiangin alui ahat leh a awl dungjuuin a nahpa zong aum bangin Bible gialtute zong Hagau Siangthou in apuui (atoh) bang dungjui a, amah uh deih daan telloua, agelh uh ahi.

3. BIBLE-Puuitu bukim: (The Bible-The Perfect Guide):

Bible Pathian ngaihtuahna a gelh ahihnain hi thukhiaahnate ahung luut hi. Khatna ah-Bible chu a dihlouhna umlou ahi. Ginna leh gamtat daan tungtaangah a dihlouhna umlou ahi a, hulou ah zong, thudang asoikhaah photmah

tungtaang ah zong adihlouna umlou ahi. Bible in geography, history, science lam hitahleh asoi photmah adih veh ahi. Leinuai a sillui kitoudoh te'n Bible thu dihna leh tahna asuichian seem hi.

Bible in Job lawmte tanchin bang, Thusoitu bu-a "Ni nuaia" mihingte lunggeeldaan tungtaang bang leh Evi guulin aheemna thu bang bukimtahin ahung hilh sih, hizongleh asoite zousiah chu dihtahin akigial ahi. Bible thupi soi bang ahiai chih ikiheeta, thudang khenkhatte chu i etton a, i juih diingva gelh ahi a, khenkhat chu huchi diing ahi tuan sih. Etsahnain-Jesu'n nungjui sawmlehnihte ateel ma a haamteina aneih bang i juih diinga hoih ahi a, hizongleh Judas Iskariotin Jesu ajuih nunga, pawt doh a akikhailup bang i juih diing ahi tuan sih hi.

Nihna ah- Bible Pathian huhaihhuma gelh ahihna in adihlouna umlou ahihdaan anamdet chauh hilouin, hikhuin thuneihna nei ahihdaan zong ahuam hi. Bible Pathian Thu ahijiahin Pathian thuneihna ngeei chu apua (anei) ahi.

Jesu leitunga aleen lain Pathian lekhathu bang achi ngaih ei chih asulang hi. (Hulaia Thuhun Lui Chauh um ahi.). Ama'n hichu thuneihna neihah Pathian Thu hi in apom hi chih imu hi. Ama'n John 10:35 ah "Pathian lekhathu suhkeeh (suhtawp) theih ahi sih." achi hi. John 10:34 ah Khrist in Psalm 82:6 thu ala a, humain "Na daan lehkhahu vah gelh hilou ahiai mah?" a chi masa hi. Jesu'n hichiin zong achi hi, "Vaan leh lei aman masiah daan thu a sutvom neuchakhat zong abawna atun kim masiahin amang sih diing hi." (Matt. 5:18). Mihing hinna tomtakhat chauh sung ahi a, A um sawt peena kihe chu khovel, vaan leh lei chihte ahi. Hizongleh hite saanga zong Pathian thu sawt zaw diing ahi chia Jesu'n hung hilh ahi.

Jesu'n Pathian-lekhathu hi bangmahlou suahsahtheih, suhbei leh sumangthei ahi sih chi in, Pathian daan thuneihna pua ah ataahlang hi. Pathian bangkimbawlttheipa leh thuneitupa thuneihna Biblein pua ahi.

Khristin Pathian lekhathu hung umbekh nalai diing thu asoi hi. A thuhilhte chu Pathiana kuan ahi a. Hute chu ahung kigialdoh a Pathian lekhathute lah ah ahung tun chianga Khrist thusoi leh natohte geeldohtheihna mite apiah diing thu zong John 14:26; 16:14 ah achiam hi.

Dotna 3: Pathian thu thuneitah, bangpeen tah juih leh zop diing na mamoh ei ?

Nichin hinkhua a man diing:

Bible Pathian Thu thuneitah ahijiahin i man (obey) diing uh ahi. Bible thuneihna in i hinkhua, i hindaan ahen limdang diing ahi. Bible i sim chiangin Mosi, Elijah, John ahihloulleh Paul thusoi bangin i ngai viai ahihloulleh Pathian thusoi bangin? Tu kaal sungin Bible Pathian huhaihhum ahijiaha thuneitah ahij daan hepumin sim diingin kingaihtuah inla, a thuneihna ah kituluutin.

2. **Khrist chu lutang dihtah bangin nna tohsahin. (Serve Christ as Righteous Head).**

Midangte natohsah hi tulaiin mangngilh ahi ta hi. Tulai Khotaang hinkhua ah mahni a diing ngaihkhawhna leh jaleenna a uang mahmah ta hi. Ahiinlah Bible in pu nih laha khat jaw nna atohsah diing teel diingin ahung hilh hi; huchu dihtatna leh mahni chih ahi. Rom. 6:16-19 in hichibangin achi hi. (Bible ah en maiin).

Michinin sual aha, siamlouhna aha, ahihlouhle dihtatna aha, sianthouna aha, leh Pathian aha a teel ngei ngei diing ngai ahi. Hutdam mi chu suaah ahi a; ama'n Khrist amah hundampa a pom louh leh amah hu suaah hihna apat akisuahtasah thei sih hi.

Thuhun Thah ah Tanchinpha chu chialna banga piyahin aum veu hi, hizongleh hichu thupiaah bangin zong akipia hi. Pathian mite chu akawma hung diingin achial hi (Thupuan. 22:17), hizongleh Amah chu "Mun chin a mi zousiah kisiih diing" thu apia hi. (Silb. 17:30). Thupiah saandaan hoih peen chu thuman ahi. Mimal malin Gospel aman a, Khrist a tahsan chiangin sual apat asuahta a-hikhuin amah a thuneihkhum nawn sih hi. Gingtu khat in amah diinga abawl gualloh chu Pathianin amah diing in abawlsah hi.

Pathian suaah khat bangin gingtu in chu heemna kawmah utsing achi thei hi. Ahinlah, hikhuin Khristian khat chu usual thei nawn sih chihna ahi hial sih hi. Sualin hutdamlouhte a thumang diinga apawngbawl bangin Pathianin atate chu thumang diingin apawngbawl ngei sih hi. Ahiinlah Ama'n Khristiante chu A kawma mahni ut thua kituluut diingin a hasot jaw hi. Rom. 6:16 in eite chu Pathian kawma eimah ngeei ikipephal a, huleh dihtatna suahte hung hi diingin ahung hasuan hi.

Bial sung houtu bishop chih leh, Synod a thutut diing thu bangmah soikhaahna aum sih hi. (Matt. 18:15-17)

Antiok khua a kouhtuam min a missionary masapeen Saul leh Barnabas a sawldoh uhi. Saul leh Barnabas in, Kouhtuam phuhdohna natoh Antiok ah ahung kilehkiitva, kouhtuam mite a koukhawmva, a natoh uh report abawl uhi. Antiok kouhtuamin missionary asawldoh va huleh amah u mahin a report angaikhia uhi, midang leh mundang ah hihlouin.

Jerusalema kouhtuam masate'n meithaite kawma michin ann neeh diing hawm thu a deihsahtuam um thu ngohna jiaha buaina ahung tuaah tahun chu Apostel te'n hu natong diingin alahva pat mi sagih teeldoh diingin angeen uhi. (Sib. 6:1-7). Apostlete'n amah uh deih ateel mai sih va, kouhtuam memberte chu ateel diingin ahilh jaw uhi. Mipite'n hukhu diingin mi sagih ateeldoh uh chih akimu hi.

Thuhilhtu tahloute Antiok kouhtuama ahung tun tahun, kouhtuamin Paul leh Barnabas leh mi khenkhatte Jerusalema kouhtuam toh hu thubuai ngaihtuah diingin asawl uhi. Jerusalem kouhtuamin amah uh ana kipaahpihva (pomva), a thu angaihtuahva, thupuuhna abawl uhi. Kouhtuamin a thupuuhna toh kisai lekhathot abawlva, huchiin palai sawlin Antiok kouhtuam ah anung thot kiit uhi. (Silb. 15:1-35). Tualsung kouhtuam khatin houlimna a kikap khawm diing angeen a, tualsung kouhtuam dangkhatin hu ngetna aphalsah hi.

Korinth kouhtuam a member hel khat tungtaanga thununna bawl mohpuahna a nei hi. Kouhtuam a kikhawm a, lawmngaih haat kisiih nuamloupa chu a nohdoh uhi. A nunglamin hu kouhtuam mahin ahung kisiih theih tah in kipawlkhawmna ah

member in a pom luut kiit uhi. Mahni kivaaipuah tualsung kouhtuam khatin memberte a kilaah luut a, huleh anohdoh thei hi. (I Kor. 5:1-5.12.13; II Kor. 2:6.7).

Thuhun Thah ah “Kouhtuam” chih thuteng chu kho khat a um heet theihnain khat chauh kawhin akijang hi; ahihvangin gam kaih khat a kouhtuam bangzah aha soina ahi chiangin “kouhtuamte” akichi hi. Etsahnain “Galatia gama kouhtuamte” chih bang (Galatia 1:1). Ahiin Kouhtuam tamtah kigawmkhawm min kouhtuamte chiloua “Kouhtuam” chauh chu dih theilou ahi. Thuhun Thah ah huchibang akimu sih hi.


1. Khrist, Kouhtuam Lutang chu.

(Christ, the Head of the Church).

Lalpa chu Kouhtuam lutang ahi chih mangngilhloh apoimoh hi- Amah Tahsa kouhtuam hi-in, tualsung kouhtuam hitaleh, Khrist chu Lutang ahihjahin thuneitu saang peen ahi a, Amah chu kouhtuam sunga sil zousiah thuneihkhum (control) diinga muan diing ahi. Tualsung kouhtuam houtute (Pastor leh Deconte) aha, ahihlouhle mipite’n a utna lam lam va Kouhtuam chiahpah theihna thuneihna anei sih uhi. Khrist in Kouhtuam chu khoilama chiah diinga deih ahiai chih heet diing leh, hu a amah uh pui diing mohpuahna amahun a nei uhi.

Thuhun Thahin tualsung kouhtuam tunga Khrist Lutang ahihna ahahsoi mahmah hi. “Huleh Amah chu tahsa, chihchu, Kouhtuam lutang ahi: sil bangkima masapeen hihna mun atan theihna diingin, bulpipeen, misi laha piang masapeen ahi” chiin Kolosate 1:18 in achi hi. Ephesite 1:22 in Khristin “Silzousiah a keeng nuai ah akoih a, amah chu sil zousiah tunga lutang hi diingin Kouhtuam kawmah apia hi” chih ahung hilh hi.

Vaana kaltouta Khrist in vaan leh lei leh asunga sil um zousiah tungah thu anei hi. Pa Pathian amah chu hi mun ah akoih ahi. Khrist chu tualsung kouhtuam sungah zong sil zousiah lutang ahi. Kouhtuam toh kisai bangmah Amah thuneihna polam aum sih hi. Amah chu kithuhilhna (doctrine) leh gamtatdaan (practice) zousiah leh, sumlepai (finance) leh silneih (property) zousiah leh hih leh bawl zousiah lutang ahi.



Hehpihna ah khang un...

“Huleh amah chu tahsa, chihchu Kouhtuam lutang ahi: sil bangkima masapeen hihna mun atan theihna diingin bulpipeen, misilaha piang masapeen ahi.”
-Kol. 1:18.

Tulaitaha Khrist in na hinkhua-a masapeen hihna atan saangin bangtobangin atang seem thei nalai diai? Amah na dop sang theihna diingin bangtobang pan na la thei ei ? Tu kaal sungin hikhu na bawl diai?

Huleh heetna ah...

Matt. 18:15-17

I Kor. 5:1,5,12,13

Silb.6:1-7

2 Kor. 2:6

Silb.13:1-3; 14:26,27

Thuph.2:3

Silb15:1-35

Dotna 2: Kouhtuam hinkhua a silzousiah ah Khrist lutang ahihna suhlat theihna diingin bang bang silte mipite’n neih poimohin na he ei?

Anuainung jaw suahte'n chu amah deihdaan toh kikalh tanpha a tunga a pu thu aman diing ahi. Getsemane huana sepaihte Jesu man diinga ahung kuan laiun Peter in naamsau in amah uh dou ana tum hi. Hizongleh Lalpa'n lem asahpih sih a, dou lou diingin thu apiah hi. Anung lamin Jesu'n Pilat kawmah "Ka gam hi khovel ahi sih; ka gam hi khovel a hitaleh Judate khut a piaahkhiah ka hih louhna diing in ka suahte'n a dou diing uh. Hizongleh ka gam chu hi-a ahi nai sih hi" chiin John 18:36 ah asoi hi. Peter leh nungjui dangten Khrist gam adiingin phatuamngaitahin pan tum mah leh uh a Huotupa un lemasahlouh jiahin suaah thumang bangin atawpsan pah uhi.

Tarsa khua-a um Paulin Jesu kalhin nna atong a, hizongleh Lalpa'n awilouh phetin atawpsan a, a dam sungin amah nna tongin a kipumpiah ta hi.

Nichin hinkhua a sulatna

Tualsung kouhtuam mahni kivaai puahna ah kouhtuamin amah uh Pastor diing leh lamkai dangdang diing kiteel theihna bang Kouhtuam van (property) kineih theihna bang, Sunday School subject diing kiteel theihna bang, kouhtuam sum zat daan diing lemguattheihna bang a neisah hi. Hi hamphatnate hi bang chi-chi aha-a pawlpi kilawikhawmnate in laahsah tupna jaala buaina piangthei ahi. Hutobang buaina na tuaah chiangin bangchiin Khrist kouhtuam lutang hihna bangchiin na taahlang thei diai chih nang leh nang kidong in.

3. Khrist chu Houtupa bangin nna tohsahin [Serve Christ as Master]:

Thuhun Lui laiin Hebrai mi khatin a Hebraimi hihpih khat kum guup sung tan suaahin anei thei hi. "Huleh na unao Hebrai pasal aha, Hebrai numei aha khat na kawma ahung kijuaah a, kum guup sung nna a hung tohsah a ahileh, a kum sagihna kumin na pawtsah diing hi" (Deut.15:12). Hi suaah kihahdohpa chu saguaah maiin a kichiahsah sih a, ganta bang, buh bang, uain bang leh adang dang piaah diing ahi chih chang 13,14 in ahung hilh hi.

Huleh hichibang suaah pasal khat achiah chiangin a suaah hih laia aneih a ji akitondoh pih thei hi, ahiin chu a ji apu guan ahihin chu a ji leh a tate a pu kawmah anutsiat angai hi. Ahihvangin hu suaahpain "Ka pute leh ka jite leh ka tate ka lungsiat a, jaleena pawt ka ut sih achih in chu... amah chu kot khaah khuam bulah ahung pai diinga, a puin a bil siihjumun avuhsah diing a; huchiin kumkhuain a nna atohsah ta ding hi" chih Exod. 21:1-5 sungah i mu hi.

Pawtohubu bung 21 sungin Thuhun Thah a "Suaahkoltu" chia Paul in achih veu umjia ahung hilhchian hi. Khrist i gintaat chianga soal sala i taana apat suaahatna thupiah i muhdaan i he hi. Huchiin kipaah tahin a kawmah a suahte bangin i kipeluut uhi. "Ama'n ahung lungsiat masat jiahin eiun amah i lungsiat hi" (I Jn. 4:19).

Apostol Paulin Ephesi khua a kum thum sunga a thunatohna chu "Thunuaigolhtah leh . . . mittui tampi leh, sil hahsa ka tunga hung tungte thuaah kawmin Lalpa nna ka tong hi" chiin asoi hi (Silb.20:19). Khrist suaah hihna in hahsatna leh buainate ahuam thei a, hizongleh kingaihngiamna zong ahuam poimoh ahi.

Dihtatna toh hamuanna toh Hagau Siangthou kipaahna toh Khrist natong chu Pathian pomthei leh mihingte kipaahna toh Khrist natong chu Pathian pomtheih leh mihingte kipaahna ahi (Rom. 14:17,18). Aja ngeiloute kawma Tanchinpha tut a, agingtasate thuhilh chu gingtute damsung saltaanna natoh ahi. (Phil. 2:22). II Tim.2:24-26 sunga i muh mah banga “Lalpa suaah in chu akhing diing ahi sih a, hizongleh mi zousiah tunga jaidam, thuhilhsiam, thuaahthei ahi diing ahi. A thusoi uh kalhtute chu Pathin deihzawng bawl diinga Diabol thaang apat ahung suaahat theihna diingva thunuaigoltaha athuhilh diing ahi.”

Khrist natohsahna chu Khrist a unaupate leh unaunute kawm tanchinpha atun diing ahi. Gal.5:13 in “Kilungsiatna in khat leh khat nna kitohsahtuah un” achi hi. Khovel lam natoh kisaiin gingtu in chu “Mihing kawma hilouin, Lalpa kawma hoih lam deih a” atoh diing ahi.

4. GINGTU HHPHTE TOH KHRIST NNA TOHSAH IN (Serve Christ with fellow believers)

Bible hun lain nulepa, talenau toh umkhawmna inkuan chih hi mihing hinkhua a khosahdaan paipi khat ana hi hi. A kaalah lah ah Thuhun Thahin gingtute hi Pathian inkuan ahi uh chih thutah suhlatnain ajang veu hi. Ephesite 2:29 ah Khrist toh suhging khawma umtate chu “mikhuah leh gamtuam mi na hi nawn sihva, misiangthoute toh khotual khat leh Pathian inkuante na hizota uhi” achi hi. Pathian inkuan tel theihna lampi chu Lalpa Jesu gintaat jaala ahih jiahin hi inkuante chu “ginna a inkuante” zong akichi hi. (Gal. 6:10).

Pathian inkuante laha khat hihna jiahin gingtu chihin hu inkuan sunga natohsahna lemtaang leh mohpuahna anei uhi. Luke 16:13 in “Suaah koimahin pu nih nna atohsah theisih; ajiahchu khat huain khat alungsiat diinga,

ahihloulleh khat gumin khat amusit diing hi. Pathian na leh sum nna na tongkop thei sih diing uh” achi hi. Pathian inkuan sunga suaahthe bangin leitung silte enlounha, Houtupa deihjawng lam chauh ngaihtuah diinga thupiah i hi uhi.

Tualsung kouhtuam a gingtu zousiah chu inkuan suaahthe hijiang zong leh uh, khenkhatte chu tou mai mai a, houlimin bangmah bawl anei sih uhi. Tamtahte’n hohtahin nna atong uh, a natoh uh atuam tuam hizongleh. Suaah khenkhat chu nna khat poimoh leh kuul sahna thu ah adangte toh angaihdaan uh akibang sih a, ahihloulleh sil khat bawl daan diing thu ah akituaah sih uhi. Hichibangte jiahin Kouhtuam ah buaina piangthei veu ahi. Hizongleh inkuan suaahthe houtupa daanbu Bible in a damdawi diing ahung hih hi. “Midang suaah soiseeltu nang koi na hiai? asih leh apuuh a pu diing ahi. Ahi amah chu dinsahin aum diing hi. Hizongleh nang bang diinga na unau soiseel na hiai? ahihloulleh nang bang diinga na unau simmoh na hiai? Ajiahchu i bawnva Khrist vaihawmna toupah maia ding diing i hi uhi. Huchiin i bawnun Pathian kawmah eimah tanchin i soi diing uhi.” (Rom.14:4,10,12).

5. MIHING LAMKAITE TUNGLAM AH KHRIST NATOHSAH IN (Serve Christ above human leaders)

Korinth a gingtute sunga pawl tuam tuam kineihnain a Kouhtuam uh suse diing khopin ahung um ta hi. Paul, Apollo, Kipha, huleh Khrist pawl chihte bang ahung umdoh top mai uhi. Paulin Korinthte chu “Mi’n kei uh haw Khrist thunatongtute leh Pathian thuguuh enkoltute bangin hung he uheh” chiin ahasot hi. (I Kor.4:1). Mihing lamkai avuum avaala saangtaha koih saangin mipite’n chu amah u’chu Khrist suaahthe banga (Khrist nuaia uma) ngaih diing ahi jaw hi.

“Huleh i Pathian u’kawmah lalta leh siampute in na hung siamta hi; huleh leitung ah lalin i tou diing uh” chiin.

2. Hagau lam kithoihnate (Spiritual Sacrifices):

Thuhun Lui Siampute’n chu ganta kithoihnate alaan uh. Khristiante’n bang kithoihna ahiai alat uh ? I Pater 2:5 i simna in “Pathian deihzawnga hagaulam kithoihna laan diing” chiin ahung hilh hi. Hi Hagaulam kithoihnate bang bang adiai? Hebrai 13:15,16 in ahung hilh hi: “Amah vaangin pahtawina kithoihna chu tawplouin Pathian kawmah i laan diing uhi. Huchu a mina i kipaahna phuandohna muuh gahte ahi . . . sil hoih awl leh silpha chu mangngilh sih un, ajiahchu huchibang kithoihnate ah Pathian a kipaah mah mah hi” chiin.

Psalm gialtuin Pathian koi ahi a, huleh bang ahiai abawl chih he a lungtang kipaah mahmah tungtaang a hahsoi mahmah hi. David in chu, “O Lalpa ka muuh hung honsah inla, huchiin ka kam in na phatna la ka sa diing hi.” chiin Pathian angen top hi.

Pathian chu sumlou-tanloua i pahtawi a, phat jing diing uh ahi. I Thess. 5:17,18 in “Tawplouin haamtei un. Sil bangkim ah kipaah thu soi jing un; ajiahchu nang u’lam thu ah Khrist Jesu ah hichu Pathian deihzawng ahi” achi hi. Huleh Phil.4:6 in, “Bangmah ah lungdonna nei sih unla, hizongleh sil bangkimah haamteina leh ngetnain kipaah thusoina toh na sil deihte uh Pathian kawmah hesah un” chih na hilhin i um uhi.

Na hoih toh zong hagaulam kithoihna khat ahi. Jesu ngei zong sil hoih bawlin avaah lehleh hi chih hi chih Silbawlte10:38 in ahung hilh hi. Jesu chu “sil hoih bawl phatuamngai leh teel tuam hi diinga ahung suhsiangthou theihna diingin i luangin akipeta hi” chiin Tita 2:14 in achi hi.

Jilmun-4 GINGTU ZOUSIAH SIAMPUHIHNA

Gingtute’n Siampuhinna hamphatna leh mohpuaahna anei uhi.

Pathian Thuhun Lui hunlaiin Siamputna ana phutdoh hi. Ama’n Aaron leh a haahte chu Israelte Siampu diingin ateel hi. Huleh Pathianin amahuh kithopna diingin puannaactual leh dialkhip diing bang, awma belh diing leh sil chi tuam tuam mi vaantaang kicheina banglou aguatsah hi.


Siampute’n biahbuuha Pathian biahna lam toh kisai photmah a bawl uhi. Kithoihnate a laanva, tanghousiahte akoih hing va, gim-namtuite a haalva, sana thaumei tunna a meivaah sagihte bang a haalva, huleh Pathian thupiaah bangin kithoihna sisan a theh uhi. Nichin sillat leh kum kaih a kimang kuutte ah nasatahin nna a tong uhi. Amahun amahuh adiing leh, a nam pumpi uh adiing leh mimalte adiingin kithoihna alaan uhi.

Dotna 1. Thuhun Lui lai kithoihnate’n alaantupa adiingin bang abawlsah ei?

Aaron tapate leh, anungva siampua hung pangte’n biahbuuh masapeen-mun siangthou ah Pathian nna a tong uh; hutah ah sana thaumei tunna sagihte, tanghousiah dohkaan huleh gimnamtui haalna maitaan aum hi. Aaron leh amah nunga Siampulala hung pangte’n chu Tatna Ni in biahbuuh nihna- mun siangthou peenah kum chinin khatvei thuhun bawma khotuahna laltouphah tunga sisan

theh diingin a luut veu uhi. Hizongleh Pathianin Siamputna leh kithoihna kibawlte chu kumlekhua a mang jing diingin atum sih hi. Siamputna leh kithoihna leh biaahna a vanzatte lam thutahte ana ensah giap hi.

Dotna 2. Thuhun Lui laia kithoihna daante laha bang bangin silbawlte hi a kizang jing ahi sih (temporary) ahung ensah ei?



Hehpihna ah hung khang uh.

Nanguh zong suang hingte bangin, Jesu Khrist jiaha Pathian deihzawng hagau lam kithoihna laan diinga Siampu Siang thou leh hagau lam inna lamtough na hi uhi". (I Peter 2:5).

Jesu Khrist in

Tapa tungtawna a kawma kilaan photmah saang veu Pa Pathian kawma a piaah theih na diingin, na Siampu hihna sillatte saang diingin ahung ngaah jing hi.

... Huleh heetna ah hung khang un.

Hebraite 4:14-16
Hebraite 10:19-22

I Peter 2:5,9
Thuph. 5:9,10.

Jesu Khrist chu kumtuang a diinga khatvei amah leh amah kilaan diingin hi khovel ah ahung hi. Pathian Tapa bukimtah tatna in hun zousiah a mihing zousiahte sualna nna apia hi. Khrist Kros a asih lai a mun siangthou leh mun

siangthou peen khentu puanjaah keehin Khrist sihnain Pathian kawm tun theihna lam thah leh hing akihongta chih ahung musah hi.

Kalvari ah Khrist in siampu natoh in a etsah kithoihnate asutawp zouveh ta chih ahung hilh hi. A sih a athoh kiit nung siah chu Siamputna natoh zousiah apoimoh nawn sih hi. Khrist in Thuhun Lui subeiin Thuhun Thah ahung phutdoh ta hi. Thuhun Lui taangtung zoua suhtawp ahih taah jiahin siamputna natoh zong apoimoh nawn sih hi.

1. Siampu na hi (You are a Priest).

Khrist in sual adiinga kithoihna bukim alat taah jiahin, Pathianin siampu natong diing mi chituam abawl nawn sih hi. Ahiinlah pawl (denomination) khenkhat in tulai in zong siampu bang anei uhi, huleh malai ate bang deuhin puansilh tuam deuh (puannaahual) bang asilh uhi. Hizongleh Thuhun Thah ah hutobang sil leh thupiaah bangmah akimu sih hi. Gingtu chinteng Pathian Siampu ahiveh uh chih i mu hi.

Khristian zousiahin Jesu Khrist jaalin Pathian kawma tangtah a luuttheihna anei uhi. Pathian kawm hung zotpih diing mihing palai i mamoh sih hi. Mi hon tuam khat dangte saanga Pathian pom theih bih koimah aum tuam sih hi.

Apostle Peterin hi thu ahung hilh hoih mahmah hi. "Nang uh zong suanghingte bangin, Jesu Khrist jiaha Pathian deihzawng hagaulam kithoihna laan diinga siampu siangthou leh hagaulam inn a lamtough na hi hi," (I Peter 2:5). Ama'n abaanah hichiin achi nalai hi: "Nang uh chu chi teel, lal Siampu, nam siangthou, Pathian mituamte na hi uhi". (dg.9). Eiuh diinga Khrist natohna thusoina in Apostle John in hichibangin agial hi. "Pathian leh a Pa kawmah lal leh siampu-a hung siamtu" (Thuph.1:6).

Anung lam deuhin John mahin Vaan mipite'n Jesu a paahtawina vah hichia achih uh Thuph.5:10 ah agial hi:

Pentikos ni a mi 3000 te'n sual ngaihdamna diinga Peter thusoi kipahtahin apomva, huzohin baptisma atang uh chih i mu hi (Silb. 2:41). Samari mite'n Philip thusoi agintaat nungun a pasal a numei in baptisma atang uhi. (Silb. 8:12,13). Huleh Silb. 16:15 ah Lalpa'n Lydia lungtang ahonsah a, Paul thusoi a gingta a, huzohin baptisma atang chih i mu hi. Philippi suangkul vengtupa in a inkuanpihte toh bang hutdamna a um diing chih aheet nungin Khrist gingta in baptisma atang uhi. (Silb. 16:31,34). Korinth khua ah Krispa leh a insungmi zousiahin, huleh Korinth mi tampihtahte'n Tanchinpha a java, agingatva, baptisma atang uhi, chih Silb. 18:8 in ahung hih hi.



Hehpihna ah khang un....

“Chiah unla, namchina mi nungjuiin siam unla, Pa leh Tapa leh Hagau Siangthou minin baptist un”.
(Matt. 28:19)

Baptisma in mi a hundam sih, hizongleh Pathianin angai poimoh hi. Ama'n hichu Thupiaah lian sungah atelsah hi. Baptisma chu Pathian thumanna dang zousiah bangin ut thua bawl ahi a, hizongleh deihteelna a kinga ahi sih hi.

huleh hetna ah....

Matthai 28:19,20	Silbawlte 10:44-48
Silbawlte 2:38,41	Silb. 16:14,15,30-34
Silbawlte 8:12,13,26-40	Silbawlte 18:8
Silbawlte 9:17,18	

Dotna 1. Bang jiaha “naungeeh baptisma” tansah Pathian thu toh kituaah lou kichi ahiai?

Gingtute chu “Khrist Jesu a nna hoih tong diinga siam, amah khutsuaah i hi uhi”, Eph. 2:10 in achi hi. Huleh Gal. 6:10 in “Huleh hun lemtang i neih bang jeel un mi zousiah kawmah sil hoih i bawl diing uh; adiahkholin ginna ai inkuanpihte kawmah i bawl diing uhi” chiin ahung hasot hi.

Silpal (communicating) zong hagaulam kithoihna chi khat ahi. Sil phal chih umjiah chu neih kikop chihna ahi. Chihchu i neihte niin leh puan, neeh leh taah hiin sum leh pai tanpha midang anei zoulou jawte hop phal chihna ahi. Rom. 15:26 a kiso, “Makedonia leh Akaia gama mite'n Jerusalem khua a misiangthoute leha tagahte adiinga sum thohkhawm pha asa uhi” achih bang ahi.

Bible mun tamtah ah tasamte toh silneih tankhawm thu i mu hi. Ephesite 4:28 in chu “Tasamte kawma piah diing neih theihna diing” chih i mu uhi.

Phillippi khua a gingtute'n a neih uh Paul atankhawmpih uhi (4:14); huleh huchu Paulin 4:18 ah, “Nang u'apat hung kithot silte gimnamtui, kithoihna deihhuai, Pathian lungkimna chu Epaphrodita khut apatin kana muta a, ka kiningchingta hi” achi hi. Gintu-Siampute'n tasamte toh tankhawm kithoihna alaan uhi. Mi tampite'n chu Siamputna thu akiso chiangan tehsia deuh mi, khamul nei a, puaannaah tual silh lam pang deuh chauh Siampu hi diingin i ngaihtuah hi. Huchi hilouin tulaiin chu Khrist gintu chinteng Siampu ahi a; Lalpa Jesu chu i Siampulal uh ahi.

Dotna 3. Hagaulam kithoihna laanthei siampu khat na hih kiheetna khansah theihna diing bang na bawl thei ei?

Kithoihna dang khat Rom. 12:1 ah i mu hi; huchu gingtute tahsa kithoihna ahi. Kithoihna hing banga gingtu khat in a tahsa (pumpi) Pathian kawma lat chih umjia chu Pathian kawma i tahsa hiang zousiah piahphal chihna ahi. (Rom.6:13). Hichu akawma i khutte, keengte, mitte, bilte piahkhiah chihna ahi. Hikhu diing jiah a gingtute sapum chu Pathian Hagau Siangthou inn kichi ahi. Pathian adiinga hin hi i lungtang leh lungsima kipan diing hizongleh i natoh atahtah a hung suahdoh diing ahi. Gal.2:20 a Paulin “tua tahsa a ka hin chu Pathian Tapa ginna a hing ka hi” achih bang ahi.

Daan nuai a ganta kithoihnate Pathianin amamoh lai ngeiin jong hagaulam kithoihnate angai sang mah mah hi chih Davidin Pslam 51:16,17 ah ana soi hi: Ajiahchu kithoihnate na deih sih a, huchi hilou hileh ka hung pe ta diing hi, haalmang sillat tungah kipaahna mawng mawng na nei sih hi. Pathian deihzawng kithoihna chu hagau hasia ahi; O Pathian, hagau hasia leh lungtang kisihi tuntun chu na musit sih diing hi”chiin.

Thuhun Lui siampute’n sumeng maitaam tungah ganta kithoihnate alaan uhi. Hebrai bu pumpi sungah Khrist chu gingtute maitaam ahi mai hi. Khrist chu Siampu ahi a, a kithoihna (gan) zong ahi.

Jilmun - 5 BAPTISMA

Thugousiah nihte laha khatna

Baptisma in mi khat ahundam thei sih a, ahihloulleh a hagau mi sah tuan sih a, hizongleh hichu gingtute diinga Pathian deihzawng silbawl poimoh tah ahi.

Pawl khenkhatin “baptisma tana pianthah” thu apom uhi. Amah uh gintaat daanin baptisma tanin gingtu sualna sawpsiang in aum a, huchiin baptisma chu hutdamna diinga tan poimoh ahi achi uhi. Hizongleh Bible in chu hutdamna chu hehpihna a ginna jaalin ahi achi hi. Mi khenkhatin hutdamna diinga baptisma tan poimoh chi a aphuut tin ten laiin lawi khat inlah baptisma tan bangmah poimohna umkhol louin akoihmai uhi. Bang hileh baptisma in chu koimah a hundam thei sih ngeei a, hizongleh hichu gingtute a diinga Pathian deihzawng bawl diing poimoh tah ahi.

1. Ginna a hutdam, natoh a hilou

Ephesite 2:8,9 in hehpihna a ginna jaala hutdam, natoh jiah hilou chih ahung hilh hi. Bible dawng tamtahn hutdamna lampi ahung hilh hi a, hizongleh khat mahin zong baptisma thu asoikha sih hi. John 1:12, 3:16, 14:6, Silb. 10:43; 16:31, 17:30; 20:20,21; 21:19,20; Rom. 10:9-13 leh Tita 3:5 enin. Apostle Paulin, “Ajiahchu Khrist in baptisma bawl diingin ahung sawl sih a, tanchinpha soi diingin ahung sawl jaw hi” achi hi (I Kor. 1:17). Baptisma tan a hutdamna muh hileh chu hitah a Paul thusoi leh silbawl chu dihluu diing ahi.

2. Hutdam hihzoha Baptisma

Mi khatin Khrist apom zoh chianga baptisma tanga Amah thu aman diing ahi. Silbawlte bu sungah huchi daan ngenin akimu hi.

Pathian thu hilhtu tamtahte'n kumjabi nih sung laiin Baptisma a pianthah thu ataang koupih uhi. Amahu'te lahah Justin Martyr bang, Irenaeus bang, leh Hermas bang atel uhi. Amah uh athu gelhna vah Baptisma chu soal ngaihdamna chiamchihna leh lampi, suhvaahna, piankiitna leh hinna thah kipatna ahi, achi uhi.

8. Baptisma tangtu dihloute (Wrong candidates)

Baptisma tungtanga kihilhna adihlough kalsiah chu baptisma tan theihna diinga Lalpa Jesu gintaat poimoh chih peen poimoh nawn ta lou ahi. Tahzet in, sahkho lamkaite'n Baptismain hutdamtheihna power anei hi chiin ahung hilh ta uhi. Alexendria a um Clement in kumjabi nihna bei diing kuan leh thumna hung kipat chiil laiin Judami hoihte Misikhua aum gingtaloute tanphain atan diing chiin apang hi. Misite adiinga aluangva mite Baptisma ahung piah top Chiangva chu bangchi tuha Baptismain silbawltheihna neia gingta ata mei diviai chih aheet theih hi.

Dihloutaha Baptisma atang theia ngaihtuah mihon nih aum hi. Hute laha khat chu-Naungeehte ahi uhi. Suala pian thu leh Baptisma a pianthah kihilhna pomte'n chu bangchi aha a naungeeh laiva asihkhaah u'leh vaangam akaina diingva naungeehte Baptisma piaah chu pilhuai asa uhi. Naungeeh Baptisma thu chu A.D. 150-223 lai a um Tertullianin lehkhabin ana gelkhia hi. Pichingte Baptisma tansah chu apaitou jing thou a, naungeehte tansah zong aum tou deuh deuhta hi.

Mi lawi dangkhatte Baptisma tang theia sehte chu haatlou leh damloute ahi uhi. Mi khenkhatin chu Baptisma tanin mi atan ma tanchianga سوالنا a sil siangsah hi. Hizongleh a tan nunga سوالnate chu akhuhkhum sih chih agingta uhi. Huchiin damlounpa sih diing peetmah hun tandong a ngaahva, asih di kuan chian atang sah uhi.

3. BAPTISMA bang chihna ahiai

(What Baptism means)

Baptisma chu Lalpa Jesu Khrist sihna leh kivuina leh thohkiitna etsahna hoihtah ahi. Tuia kiphumin a sihna etsahna hoihtah ahi a; tui apat hung pawtdohin loupitaha A thohkiitna a ensah hi.

Baptisma in mi khat Lalpa Jesu toh akizopsah hi. Hichu hu mipa'n Amah hagaulam kizopna aneihna uh vaantaang muh a taahlatna ahi. Rom. 6:1-5 in Khristian chinteng chu Khrist toh A sihna leh kivuina leh thohkiitna ah kizop ahita uh chih ahung hilh hi. Tui a Baptismain hi gingtu leh Khrist kizopna a ensah hi.

Baptismain tahsa deihjawng hilou a, Hagau Siangthou deih daana huin-hinna kichiamna leh, khovel ngaihdan juuh saanga Pathian thumanna taahlatna hoihtah ahi.

Dotna 2. Mi khatin Lalpa a tahsan main Baptisma tang taleh a Baptisma tan hi a set theih diai? Hilhchian in.

4. Baptisma apoimoh hi. (Baptism in important).

Baptisma hi tanlough theihlough ahiai ahihloughleh tanlough theih ahiai? Pathian-thu in chu tanlough theihlough daanin ahung hilh hi. Jesu'n Baptisma chu Thupiaah Lian sungah atelsah hi. Ama'n "Chiah unla, Pa leh Tapa leh Hagau Siangthou minin Baptist un" chiin thu ahung pia hi (Matt. 28:19). Hi thupiahin chu khovel pumpi a mihingte tanchinpha gintaatsah a, huzohchianga Baptisma tansah a, huzohchianga thupiaah zousiah juui diinga hilh diing chih ahi. I muh taah mah bangin Apostle te'n hi Thupiah Lian

suhtaangtungna in agingtate a Baptis va, thuhilhna neihna diingin Tualsung Kouhtuam ah akikhawm uhi.

5. Bangdiinga Baptiste'n a phuumthoh uh ahiai ?

Baptiste'n aphuumthoh jiah chu Thuhun Thah ah "*Baptize*" chih thuteng umjia (meaning) phuum chihna ahiah jiahin ahi. Ahung kipatna Grik haamah chu hichu "Baptizo" chih ahi a, huchu "nam luut, diahtum, phuum, vuhkhum" chihna kawh ahi. Hichu ni chin haama kijang thuteng ahi. Saap haama "*baptize*" kichi chu Grik haam kiletдох hilouin, Grik haam agindaana kilakaisawn mai ahizaw hi. English Bible letdohtute'n "*baptizo*" ana letдох leh uchu "diahtum aha, phuum aha chihna thuteng "submerge" aha, "immerse" aha ana jang diing daan ahi uhi. Grikte'n "theh"leh "buah" chihna thuteng "rontizo" anei uhi. Tulai theh thoh leh buaah thoh a Baptisma tana Thahun Thah a akimuhlouh jiahin adih akichi thei sih hi.

Dotna 3. Grik Orthodox kouhtuamin Grik haam jang ahiah chiangun, amahun bangtobanga Baptisma bawl diingin na gingta ei?

Dotna 4. Bangdiinga King James Version Bible in Baptizo chih thuteng letдох loua alaahsawn thoh mai uh adiai ?

Baptiste'n aphum thoh jiah chu Thuhun Thah ah Baptisma phum a akibawl jiahin ahi. John Baptisma bawl hi

umjia tuam deuh zong leh a tansah daan chu "phum" ahi thou hi (Matt. 3:6).

Khrist in Baptisma atan zohin "tui akipanin apawtdoh pah a" chih i mu hi (Matt.3:16). Huleh Mark 1:10 in "Tui lah apat ahung pawt tahin "achi hi. Johnin ahiehleh a mun lemtaang daan lam soi in "Salim ah . . . hutaha tui amah jiahin"achi hi (Jn. 3:23). Philip leh michilgeh chu Baptisma tang diingin "tui lahah achiah suh khawmva" huleh atan zohun " tui apat apaidoh touh phet un " chiin Silb. 8:38,39 ah i mu hi.

6. Bangdiinga khenkhatin thehthoh ahiai?

Bible in chiantaha Baptisma chu phuum thoh ahi chih ahung hilh leh bang diinga Khristian pawl khenkhatte'n thehthoh ahi viai?

Phuum thoh apat a thehthoh a ahung kiheng khiaah maiin Baptisma tungtaanga kithuhilhna chu ahung sesuaah (corrupt) ta ahi. Baptisma tana pianthahna (Baptismal Regeneration) kichi bang kihilhna bang polam gingloute apat kouhtuam sunga hung luut in, hutdamna diing a poimoha ngaihna tanpha ahung um panta hi.

7. Kihilhna hoihlou

Apostle John in Thuhun Thah lehkhabu nunungpeen agelh zoh kum sawmnih veel nungin Baptisma a piangthah kihilhna ahung umpan hi. A.D.117 a si Ignatius in mitphialdawi banga limdangtaha Baptisma silbawltheihna thu agial hi. Thuhun Thaha kiso Barnaba chu hilouin "Barnaba lehkhathot" kichi khatin Baptismain hagaulam pianna lah Pathian taanchilhna abawldoh hichiin asoi hi (A.D. 120). "Diadache" kichi "Sawmlehnithe thuhilhna" lekhabu khat kum jabi nih laia kisuah khat ah zong Baptismain hutdamna tun thei chih akigial a, Sawmlenihte'n lah adam laiun hutobang thu asoina uh heetkhaahin aum sih hi.


Dotna 1. Bang diinga Jesu leitunga mihing tahsa tahtah neia hung teeng ahiai ?

2. Nou

Huleh Jesu'n hu kipawlkhawmna annkuang apuhdoh jaanin, "Hi nou chu ka sisan thuhun thah ahi" achi hi (I Kor. 11:25). Hizong atunga mah bangin atah taha laah diing hilouin kawh leh etsah nei thu soi ahi. Jesu'n hi nou sunga um chu ka sisan tahtah ka laahdoh a ka koih ahi, chi ahi sih hi. Hu huntahin a sisan chu a tahsa sungah aum jing nalai hi.

Jesu'n thuhun tuam tampi malaia ana umte toh teha "Thuhun Thah" achih khat aum hi. Thuhun Luite chu Abrahamte, Mosite, Davidte toh Pathianin ana bawlte ahi. Hizongleh hichu Pathianin Jeremiah manga bawl diing ana chiamsa "thuhun thah" ahi (Jer.31:31-34). Mosi thuhun ah chu gan sisan akijanga; hizongleh thuhun thah, Israelte hundampa in chu ngaihdamna bukim anei diinga, Pathian daan alungtang ah agial diinga, Pathian toh haguulama kizopsahin, Hagau Siangthou asungvah ateengsah diing hi. Hi thuhun chu Khrist in a sisan in ahung bawlkhia a, Khristiante'n a phattuumna tulai mahmah in i mu a, huleh Iaraelte'n chu kum saang lalgam hunah atang diing uhi. Nou chu Khrist thuhun thah sisan ahi.

Hehpihna ah khang un.....



"Ajiahchu hi tanghou na neehva, hi nou na dawn tengun ahung kiit masiah Lalpa sihna na ensah jeel uh ahi. (I Kor. 11:26)

Pathianin hi Lalpa annkuang bawl hun diing ahung guatsah sih a, hizongleh "na bawl tengun" chiiin ahung hilh jaw hi.

Baptisma chu ginna neite chauh tandiing chih aum nawn ta sih a; hichu naungeeh leh, damloute leh, damlou si diingte leh, Khrist gintaatna nei seselou mi a sisate tanphain hutdamna pethei chih gintatna jaalin tansah theihveh ahung hita hi. Kumjabi thumna lailung veel ah Cyprian kichipa'n chu dawipaaite tanphain Baptisma tan theih chiin asoi hi.

9. Bawldaana dihloou (improper method).

Baptisma tangtheihna toh kisai kihilhna ahung tuam deuhdeuh dungjuin, a tan daan (a bawl daan) zong alemchang jawng deihnain ahung kiheng deuhdeuh ta hi. Baptisma ah Khrist natohna ngaih poimoh saanga tui silbawltheihna ngaihsaang ahung hih mah bangin mite'n tui akizat phot leh abawldaana chu poimohtahin ahung ngai nawn tasih hi. Huchiin phuum thoh khelkhel chi talouin thehthoh leh buaahthoh a bawl bang ahung kipanta hi. Khrist a ginna hoihtah neite hizongleh naungeehte leh damlou si diingte tungtaang ahih chiangin buaina ahung umta hi. Amahva utna tah umlou tansah thuh ahih chiangin phuum khelkhel ahung chi nawn veu sih uhi.

Baptisma thehthoh hung kibawl patdaan i soita a, ahiin, bang chidaana Khristian pawlpi tamtahte'n phuum thoh loua thehthoh jang ahivai ? Hi kihilhna leh silbawl dihloou chu Roman Catholic kouhtuamin ahung jangtava, tuni tanin zong amahva pat hung pawtdoh Protestant pawl tamtahte'n nusetuanlouin azui jing ta uhi. Amahun Baptisma a pianthah kihilhna dihloou daan he zongleh uh atandaan thu ah chu thehthoh leh buaahthoh azui den ta uhi.

Baptisma bangjiaha tan ahiai chih leh bangtobanga tan diing ahiai chih thu hi Thuhun Thah apat hoihtaha etphat ngai mahmah ahi. Baptistte'n chu Bible soidaan toh kituahloua sil khat gintaat leh bawl ahitheih tana bawl lou aki hi hi.

Nichin hinkhua a suhlat

Khrist na hundampa diinga pom tazhet na hih taaha ahiehleh Baptisma tungtaanga thupiaah poimoh tah mai na zui ta ei?

Jilmun-6

KIPAWLKHAWMNA ANNKUANG

(Thugousiah nihte laha A nihna)

Kipawlkhawmna annkuang neih hun chu Pathian leh gingtu dangte toh kipawlkhawmna hun ahieh diing ahi.

Lalpa Nitaah Ann zong i chih, hi kipawlkhawmna annkuang neehkhawm hun ahung tun chiangin na lungsim ah bang ahung um ei? Tolsohlou tanghou bang, greptui bang, Jesu sihna toh kisai deuh lam la kisa bang, deaconte neeh leh dawn diing silte ahung hawmva hun vaigeitaha akiman veu haw bang na ngaihtuah ei? “Kipawlkhawmna” chih hi bangtan chianga sil poimoh ahiai chih ngaihtuah peentah diing ahi. Ahiin hu main kipawlkhawmna a sil jatte i ngaihtuah masa diing uhi.

1. Tanghou

Hi annkuang kibawlina masapeen chiahkaan kuut laiin Khrist in anungjuite kawmah tanghou apia a, “La unla ne un; hichu ka tahsa ahi” achi hi(Matt.26:26). Hitaha Jesu thusoi chu mun danga “Kei kot ka hi” achih bang haamdaan umjia tuam deuhnei (sapte’n figurative language achih uh bang) ahi.

Nungjuite’n zong Amah tahsa tahtah soi ahi sih chih a heva, etsahna a asoi ahi chih ahiesiam uhi. Tanghou chu Khrist tahsa etsahna sil kizentah ahi. John bung 6 sungah Ama’n tampi vei, “Kei hinna tanghou chu ka hi” achi hi. Huchiin Aman kros a a tahsa khovel soal tatna diinga a piah diing kuanin tanghou lain “Hi ka tahsa ahi” chiin nungzuite kawmah neeh diingin apia ahi.

Dotna 4. Kipawlkhawmna annkuanga telna diingin na lungtang bang na chi singsah diai?

7. Gingu dangte toh kipawlkhawmna

Kipawlkhawmna hun chiangin Khrist toh kipawlkhawm chauh i hi sih a, gingtute khat leh khat kipawlkhawm zong ihi uhi. I Kor.10:17 in “Ajiahchu eiuh tampi hingaalin tanghou khat, huleh sapum khat i hi uh; bangjiahin ahiai i chih leh, hu tanghou beu khat a tan nei chiat ihi uhi” achi hi. Lalpa’n tanghou beu khat chauh a la a, abalkeeh a, anungjuite kawma ahawm ahi chih heet diing ahi. Hu tanghou a tan aneih chiatna un Khrist Pumpi (gingtute) kipumkhatna a ensah hi.

Kipawlkhawmna diinga dinmun (position) tungtaanga Paulin, “Eiuh i bawnun tanghou khat i hi a, pumpi khat i hi uhi. Ajiahchu hu tanghou beu khat ah tan i nei chiat uhi” achih jiah in Khrist toh kizopsa chiat i hi a, hutdamna bawldoh (practice) thu ah bang i chi viai? I kikhopnate ah kipawlkhawmna i ngai poimoh viai? Kouhtuam polam ah, khotaang hinkhua tanpha ah khat leh khat kipawlkhawmna i habbawl viai? Huchi ahilhleh chu biaahinn kai i bang chauh diing hi

Dotna 5. Matt.5:23 leh 24 a thuhilhna hi kipawlkhawmna annkuang ah bangchi’n i jangthei diai?

Huleh heetna ah

Matt. 26:26-30

I Kor.10:16-32

Mark 14:22-25

I Kor. 11:23-32

Luke 22:13-30

3. A neehna leh a dawnna

Lalpa annkuanga telte’n chu tanghou tahtah leh uain (theitui) tahtah neeh leh dawn ahi ngeei mai hi, ajiah Lalpa’n, “Ne un” “Dawn un” chiin thu ahung pia hi.

John 6:51ah Jesu’n, “Kei chu vaan apata tanghou hing hung kumsuh chu ka hi; mi koipouhin hi tanghou a neehin chu kumtuangin ahing diing hi; huleh hi ka tanghou piaah diing chu khovel hinna diinga ka piaah diing ka tahsa ahi” achi hi. Hitah a “neeh” kichi thuteng hi John 6:35,40,47 leh 48 toh i ettuaah ahilhleh Amah neeh chih chu Amah gintaat chihna ahi chih amuh theih hi. Ann chu i tahsa sungah i kam tungtawnin i la luut a; Khrist chu i hinna sungah ginna tungtawnin i la luut uhi.

Tanghouin Khrist tahsa, huleh nouin a sisan a ensah a; a neeh leh a dawn in chu hikhu bawltu ginguin amain Khrist ginta zouta ahi chih asulang hi. Hi kipawlkhawmna annkuanga neeh man leh dawn mana hutdamna muh ahi sih a, amusate silbawl ahijaw hi. A tanghou leh nou etsah nei ahieh mah bangin a neeh leh a dawn zong ginna etsahna giap ahi.

Dotna 2. Khrist tungtaanga kihilhna (a tanchin) gintatna jiah ngot a mi bangjiaha hutdamna hitheilou ahiai?

4. Bangahiai i neeha i dawn uh ?

Paulin I Kor. 10:16 ah dotna nih a dong hi, hute chu Vaangpiahna nou i dawn uh Khrist sisan kipawl khawmpihna hilou ahiai mah? Tanghou i balkeeh uh Khrist sapum kipawlkhawmpihna hilou ahiai mah? chih ahi. Aniha a dawnna chu hi, ahi. Tanghou i neeh a nou i dawn chiangin Khrist Kros tunga asihna nasatahin i geeldoh a, i hesah a, hichiin Amah toh kipawlkhawm i hung suaah hi.

Roman Catholic kouhtuamte'n tanghou leh nou chu Khrist tahsa leh sisan tah hung suaah ahi chiin ahilh uhi. Lutheran kouhtuamte'n chu Khrist tahsa leh sisan chu hu tanghou leh uain ahung kihal ahi chih agingta uhi. Reformed kouhtuamte'n chu hu silte sunga Khrist hagaulam umpihna hung telin amu uhi. Baptistte'n ahibleh hu silte chu Khrist tahsa leh sisan etsahna ahi chiin apom uhi. Huchiin hi annkuanga kipawlkhawmna tahsa lama kipawlkhawmna hilouin hagau lama kipawlkhawmna ahi jaw hi. Tanghou leh nou chu Khrist kawmuhtu giapin a kingai hi.

5. Amah heetzingna

I Kor. 11:24,25 ah Paulin Khristin amah heetjingna diinga tanghou leh nou neeh leh dawn diing thu ahung piaah ahung hesah thah hi. Hi kipawlkhawmna a i tel chiangin Khrist thuaahna nasataha geeldohin i thuaah natpiah hi. Getsemani a alungkhamnate bang, Judain lepchiahtaha amatsahnate bang, muhsitna leh engbawlina, jeepna leh vuaahna chizaat huai tah a thuaahnate bang, linglukhuh a khuhna leh chilphihkhumna tanpha eite jiaha athuaahnate leh a tawpa Kros a mulkim huai taha a sihate zousiah - tahsa a Khrist thuaahnate i geeldoh a, i hejing uh ahi.

Kipawlkawmna annkuangin Khrist سوالنا hemawng mawnglou eih jiaha سوالنا kibawl, “Ka pathian, Ka pathian, bang diinga hung taaisan na hiai?” chia Kros dawna a kikou vungvung lai nite ahung hedohsah hi. Ahiinlah mihingte'n

Khrist hung thuaahsahnate chu ahihna bangtahn ahejing zou ngei sih diing uhi. Hubanah zong, Khrist in hite zousiah amah ut thu a thuaah ahi chih i ngaihtuah leh alimdang talua ahi (John10:15,17,18).

Dotna 3. Bangdiinga mi khat kipawlkhawmna annkuang a uum ma-a hutdamna neisa ahiah diing ahiai?

6. Pathian toh kipawlkhawmna

Kipawlkhawmna chih hi saaphaama “fellowship” chih ahi. Fellow chu mi chihna ahi a, ship chu kuang chihna ahi; huchiin mi honkhat kuang chihna ahi; huchin mi honkhat kuang sung khata umkhawm chihna ahi. Kipawlkhawmna tahtah chu ajiah thum apia hi: huchu- kipawlkhawmna dinmun (position of fellowship), kipawlkhawmna natoh (practice of fellowship), huleh kipawlkhawmna heetdohna (perception of fellowship) chih ahi.

Lalpa Jesu hundampa a pomna jaalin gingtuin Pathian toh kipawlkhawm theihna dinmun atangta hi.(I Kor. 1:9). Huleh Amah deihjawng bawlin kipawlkhawmna natoh i hung nei hi. Huchian huchihna apatin Amah umpihna leh lungmuannate i hung hedoh deuhdeuh hi.

Kipawlkhawmna annkuangin hi kipawlkhawmna natoh (asulatna) hun lemteang tah ahung pia hi. Haamteina leh hagaulam lunggeelna thuhtah neihnain Pathian toh i kipawlkhawm thei hi.

I haamteinain Pathian koi ahi a, bang hung bawlsah ahiai chih ahe a, a kawma paahtawina leh phatna nasatah ahung neisah diing ahi.

Atunga Bible dawng i gelh hi sim inla, na hinkhua ah zat tumin.

..... Huleh heetna ah
 Silbawlte 13:44-51 Rom. 14:1-12
 Silbawlte 15:36-41 Thupuan. 3:20

2. PAUL BAWLDAAN (Paul's Pattern)

Apostle Paul in tanchinpha chiantah leh haattahin asoi hi. Ama'n thutah asoi a, thukipaahhuai apuang hi. Hutdamna thu ataangkoupih hi. Hilhtu tam mah zongleh hangsantahin asoi jeel hi. Ama'n Pathian thuhaah potu bangin ginumtahn asoisawn jeel hi. Ahiin Paulin tanchinpha pom diingin a thusoi ngaite apawng noh ngei sih hi. Michin amah diinga deihteel theihna diing sialepha heetna akineih diingun theihtawpa pangin thu chu asoi hi.

Paul tanchinpha phuanjaah daan khat chu kimaaituaha kihoulimna, ngaihdaan soi kikheela, Pathian thu suuituahpih ahi. Etsahnain-Silbawlte 17:2 i sim leh Paulin Thessalonika khua ah "Amah bawldaana ngeina in akawmvah aluut a; khawl ni thumvei Pathian lekhathute apat asuuituahpih hi" chih i mu hi. Pathian thuin bang ahiai asoi chih ahilh hi chihna ahi.

Pathian thu suuituahpih chu Paul bawldaana taangpi ahi deuh peen hi. Silbawlte 17:16,17 sungah zong Paulin mihon thum-Judate, Pathian ngaihsah mite, hileh dawlmuna mi um photmahte chu michin in a houpah a, amahuh biaah dihlouhdaan nial kawmin Pathian lekhathu asuuituahpih jeel hi, achi hi. Hi Athen khopi mite chu Pathian ngaihsahmi ahi uh chih milem tapi bia ahinnaun ahung hilh hi; hizongleh Paulin amahuh chu "Heetlough pathian" na chih peentah uh chu ke'n ka he hi chiin. Lalpa Jesu Khrist tanchin soi kawmin a dihlouhdaan uh hoihtaha nialdaan siana nial pumin amah uh ahilh hi.

Mahni kietchian

I Kor. 11:"21,22 ah Korinth gingtu khenkhatte'n hi kipawlkhawmna annkuang aumna chu asukholou uh chih thu akimu hi-amahun kilawmlou tahin hi ann ane uhi. Ahiin dawng 27 a ne "taah" hilou-pi a tanghou ne leh, dawn "taah" hi loupia nou dawn Paulin achi hi hutdam hilou hite bawl chihna lam hilouin, gingtute hinkhua a sual phuanlough nei puma hi silte ne leh dawn chi ahi jaw hi. A dinmun va taahlou lam hilouin, a hinkhuava taahlou lam soi ahi jaw hi.

Hutobang taahlouhna neia Lalpa annkuanga telte chu Lalpa tahsa leh sisan ngaihtuah lou (ngaineep, ngaidau) nahi uh, Paulin achi hi. Huleh hukhu jiah tahin " Na lahva mi tapi na jawngkhaalva, na chihna uh, huleh tapi na ihmu ta uhi" Paulin achi hi (I Kor. 11:30). Paulin Korinthte chu Lalpa annkuang uum diing chianga ka hinkhua ah kienchian a, taahloupia nelou leh dawnlou diingin ahilh hi. Tuni tan a ei un zong i bawl diing ahi. Huchu Paulin "Eimah leh eimah kivaihawm" achi hi, Eimah leh eimah kivaihawm lei chu Korinthte tuaah bang-Lalpa vaihawmna tuaah lou diing ihi. (I Kor. 11:31).

Nichin hinkhua a suhlat

Pathian tungtaang thutah limdangtah mai khat chu Pathianin eih toh kipawlkhawmna neih a ut hi, chih ahi. David in Psalm 139:17,18 ah "O Pathian na ngaihtuahnate chu kei diingin (kei na hung ngaihtuahnate chihna ahi) mantam hina lawmlawm e! a kigawmna chu nasa hina mei e! Sim diing hileh piauneel saangin atamjaw a; ka khanloh chiangin na kawmah ka um nalai jeel hi." Hi Psalm in chu Pathianin eih hoihtaha hung ngaihtuah a, eiun amah i ngaihtuah tawm mahmah chih ahung hesah hi.

Jilmun -7 MIMAL HAGAU JALEENNA

(Individual Soul Liberty)

*Baptistte'n a ginna u'chu pawngbawl na hiloua
jawlthoha a sukhkhang diing uh ahi.*

Thumapui : Naupang khatin innsawng keellei saangtah khat tung apat amah saanga neuzaw deuh khat asawn khesuh a; ahiin amah chu aliam naah talo sih hi. Bangjiaha na sawnkhiaah ahiai chia akidot leh ama'n, "Khristian na hi ei?" chia ka dot leh "Ka hi sih" achi a ahi, achi hi.

Khristian khatin thutah gingta diinga koimah apawngbawl (force) theihlough ahi. Biblein Khristiante chu sepaih bangin ahung soi a, ahiinlah i meelma chu Setan leh anungjuite (dawite) ahi uh, achi hi. Huchiin hitobang meelmate douna diinga chu haguulam gaalthuam jang diingin ahung hasot hi (Eph.6:11-17). Bangahakhat gingta diinga koimah pawngbawl theih hilou ahi.

Malaiin Khristian pawl lawi khatin hitobang Pathian thu kihilhna hesiam gindaan tuamte ana sawiin a gawtkha ngei hi. Fox gelh Martyrte Lehkhabu kichi ah kumzabi sawmleguup lai veela sahkhua toh kisaia gawtna nasatah tun thu akimu hi. Tulaiin zong hutobang sawina khovel mun tuamtuam ah aum jeuhjeuh jing thou nalai, huchu sil dihluu ahi.


1. SAHKHO JALEENNA (Religious Liberty)

Baptistte'n sahkhoo jaleenna (Huchu mimal hagu jaleenna chihna mah ahi) agingta uhi. Hikhu umjia tah chu - mi khatin (gingtu hiin gingloutu hileh) sahkhua lam toh kisaiin a lungsim sialepha heetnain dih asah dungjuin deih teeltheihna jaleenna akineih hi chihna ahi.

Thuhilhna khat pom diingin aha ahilhoughleh nial diingin koimah pawngbawl theih ahi sih hi. Mi koimah sahkhoo biaahna nei diing leh, ahilhoughleh nei lou diingin noh theih ahi sih hi. Ahiin chu hu biaahnain mihing jang a kithoihna bang ahuam inchu awilouh theih ahi diing hi.

Baptistte'n Khristian sahkhua juihsah pawng tupnain mi suangkula khum aha, gawt aha, thah aha, innlalou laahsa aha, ahilhoughleh gamsung apat delhmang aha chihte abawl ngei sih uhi. Inn china luut a mite Baptist aha chihte abawl ngei sih uhi. Inn china luut a mite Baptist aha ahilhoughleh adangkhat hung hi diingin anoh teei teei ngei sih uhi. Huchih saangin Baptistte'n sakho jaleenna diingin ana dou veu jaw uhi. Baptistte'n chu ei gintaat banga gingta diingin mite i chial a, hizongleh i pawngbawl ngei sih. Thutah i hilh a, i kawhmuh a, gingta diingin i haamteisah a, hizongleh gintaat leh gintaatlouh chu amah mimal hagu jaleenna a ginga ahita hi. Abawlkhaah leh bawlkhial man chu Pathian kawma akimuh diing ahi mei hi.

Hehpihna ah hung khang un.....



“Mi khatin ni khat chu ni dang saangin angai poimoh jaw tuama, mi dangin chu ni teng teng kibang chiatin angai hi. Mi chin amah uh lungsim chiatah kihechian ueh. Huchiin i bawnnun Pathian kawmah eimah tanchin chiat i soi diing uhi”.

(Rom. 1 :5,12).

Eiuh mi chinin Pathian kawma dawna nei chiat diing i hih jiahun ka silbawl hi Amah mitmuha dihna ahiai chih hoihtaha ngaihtuaha heetchian apoimoh hi. Na hinkhua a na silbawlte chinteng Pathian kipaah jawng ahina ei?

Himahleh Khristiante chu Pathian adiinga kikohtuamte ahi zaw uhi. Khristian chinteng misiangthou ahi uhi.

Rome lekhathot ah Khristiante chu lam tuam tuamin akichi hi: “Jesu Khrist a kouhte” (Rom.1:6); “Pathian deihtah” (1:7); “Sual apat jaleensaha um a, Pathian suahte hung hite” (6:22); huleh “tahsa a umloua, Hagaua um” “numei leh pasal” (8:9). Rome kouhtuam chu mipiangthah kouhtuam ahi ngei mei uhi.

Korinth lekhathot khat na chu “Korinth khua a Pathian kouhtuam umte, Khrist Jesu a suhsiang, misiangthou diinga kouhte” chiin akipan hi (1:2). Hutobangmahin Korinth nihain zong “Korinth khua a um Pathian kouhtuamte leh Akaia gam pumpia misiangthoute zousiah” chiin apan hi (1:1). Ephesite chu “Misiangthoute leh Jesu Khrist a miginumte” akichi hi. (1:1). Lekhathot dangte zousiah ah zong hitobangin ahiveh hi.

Lekhathotin chu akithotna kouhtuamte chu malaia sual leh Setan sala taang, Pathian meelma, haamsethuaah, kinepna neiloua um ahihdaan uh asoi a, huzohchian suhginga um Pathian ta hihna tang, hamphatna soiseeng gualloh tanga kumtuanga Lalpa toh umkhawm diing hiin ahung hilh hi.

2. Kouhtuam Masapeen tungtaang la?

(What about the First Church?)

Jerusalem kouhtuam masapeen memberte koite ahiviai? Silbawlte bung nih ah kouhtuam nih phuhdoh tanchin i mu hi. Khrist Tahsa Kouhtuam-Pentikost apat Rapture tana gingu zousiaha kisimdoh leh, Jerusalem tualsung kouhtuam. Silbawlte 2:47 in “Hutdamna hung mu photmahte Lalpa’n ni chinin akawmvah abehlapsah jeel hi” achi hi. Hitaha “behlap” kichi chu tualsung kouhtuama ahih

Silbawlte 18:4 ah Paulin Korinth khua ahung veh thu i sim leh “Huleh khawlni chinin kikhopna inn ah thu asuutpih a, Judate leh Grikte chu gingu diingin ajawl veu hi” chih i mu hi. Paulin Korinth khua anuutsiat nungin Syria gam lamah achiah a, Ephesi khua ahung tungta a, “Amah chu kikhopna inn ah aluut a, Judate toh thu asuutkhawmta hi” akichi hi (Silb. 18:18,19).

Paul a missionary khualjin thumveina apat Ephesi khua ahung tung kiit a, “Huleh Paul chu kikhopna ah luut a, ha thum sung diing haangsantahin thu asoi a, Pathian gam tungtaang thu ah mite kinialpihin azawljeel hi” chih silbawlte 19:8,9 ah i mu kiit hi. Hu nunglamin Paul chu Jerusalemah matin aumta a, suangkulah kum thum sung khumin aumta hi. Hu hun sungin Paulin chu kumpipa Felix ma ah tamtah vei dinsahin aum hi. Paulin Felix kawmah “dihtatna thute, kideehna thute leh vaihawmna hung tung diingte asoi leh (asuutpih leh) Felix chu lauin akithing top hi” chih i mu hi (Silb. 24:25).

Paulin tanchinpha asoina tengah koimah gintaatsah teei teei tumin apawngbawl ngei sih hi. Thu a suutpih a, a zawl a, agingta nuamte’n agingta a, a utloute’n agingtalou mai uhi. (Silb. 28:23,24 leh 2 Kor.5:11 zong sim in).

Dotna 1. Paul bawldaana kihoulimna a soikhawm chu mite kawma Khrist tanchin hilhnain bang nachi zat diai?

3. EIUH BAWLDAAN DIING (Our Prescription)

Pathianin eiuh zong tanchinpha soi diing leh mi chin Khrist pom diinga zawl diingin ahung deih hi. I Peter 3:15 in “Hizongleh na lungtangva Lalpa Pathian chu hihsiangthou unla, huleh nangu’a um kinepna jiah hung dong photmahte thunuaigolhtah leh laudaan siama dawng diingin bangchih laipouhin i kipeih jing diing uh ahi. Bangahiai i gintaat a, huleh bangjiaha gingta i hiai chih i heet ngeingei diing uh ahi.

Paul bawldaana chu eiuh juihdaana ahih mei diing ahi. Mite kawma Pathian thutah i hilh a, i soikhawmpih a, huleh pom diinga i jawl diing ahi. I thugin uh hung dongte kawma i hilhchian a dawna i piahtehih diing ahi. Hizongleh bangchihmaha zong i thu ngaikhetute chu i thusoi pom diing leh jui diinga pawngbawl i tup hetlough diing ahi. Pathianin amah u’chu hagau jaleenna apiaah ahi a, huleh Amah kawm chauha a tanchin uh atut diing uh ahi.

Mi koimah hutdamna ah i nohluut thei sih hi. Hagau Siangthouin amah u’chu soal thu ahte, dihtatna thu ahte, huleh vaihawmna thu ahte asiamlouh daan uh ahesah diing ahi. (John 16:8). Tapain misualte chu akawmah ahiip diing ahi. I nialsiamna leh suutsiamna lianpeenin zong mite ginna ape thei sih hi.

NI CHIN HINKHUA A SULATNA

Pathianin a tate thumang diingin apawngbawl ngei sih hi. Ama’n athuhilh a, ahasot a, achiilkhauh hi. Lalpa Jesu’n Laudisia kouhtuam kotkhaah akiuh chu (Thup. 3:20) eiuh michinte toh abawldaana ahi thou hi. Ama’n i lungsim leh lungtang kotkhaahte phusia a luut atum sih a, hizongleh Amah i chial a, i kouh a deih hi. Sawina leh gimna ahung piahte tanpha adih bawl diinga ahung zawlna ahi.

Jilmun - 8

HUTDAM HITASA KOUHTUAM MEMBER

(*Saved Church Membership*)

Pathianin tualsung kouhtuam khat chu piangthah Khristiante a kibawl pumpi kizomkhawm hi diingin alemguat hi.

Thumapui: Kouhtuam kikhopna khat tawpin pasal khatin kouhtuama member hihna ka la ut chiin lehkha apeluut a; mi tamtahte’n, “Amen, amen” chiin kipaahpihna apuang souhsouh uhi. Ahihvangin tomkhat nungin a kipaahna u’chu poisahna ahung suahta hi. Hu mipa kawma a testimony mipi ma a phuang diinga a nget uleh amahpa’n, “Pathian toh mimal kikaal thu nanguh heet diing apoimoh sih” chiin a ut ta sih mai hi. Ka tanchin nanguh kanchian diing angaih lechu hi kouhtuam ka zop lou ahi mei diing hi” achi ta mei hi.

Baptiste’n chu angeina daanin Kouhtuam member hih utte chu Jesu Khrist a ginna uh phuandohna gintaathuai tah hina ahinaimah chih heet chu Pathian thu chu mi kituaahin ahe uhi. Kouhtuama member hi diingte chu mi piangthah ahih diing uh chih amahun agingta tinten uhi.

1. Kouhtuamte Lekhathot (The churches’ Mail)

Thuhun Thah lekhathotte chu mimal kawm leh kouhtuamte kawma kithot ahi. Kouhtuamte kawma lekhathotte thumapuuite apat kouhtuamte chu mipiangthah gingtute kilawikhawm ahi uh chih akilang hi. Etsahnain-Roime lekhathot chu “Pathian deihtah misiangthou hi diinga kouh” kichite kawma thot ahi. Misiangthou kichi hi mi koiaha a damlaiva a nato hoih uh bangaha jiaha kipaahpihna saang diinga kiteeldoh mi sisate ahi sih uhi.

Dotna 3. Tanchinpha kichi in bangbang ahuam ei, nangmah haamin soiin.

Mi khenkhatte'n chu mi tawmtakhat ma a thusoia din zong hahsa asa uhi. Ahiin bangchi aha a Kouhtuam in member hih utte chu a hutdamna uh a etchian ngeingei diing uh ahi. Jumna leh launa a ngailou a, Psalm 66:16 a kisoia "Nanguh Lalpa laudaan siam zousiahte, hung unla, ngaiun, ka hinna diing Ahung bawlsahte ka hung hesah diing hi" kichi banga kipaahata a aphuan ut zawh diing ahi.

Kouhtuamin mi khat hutdam ahi mawng hi chih chiantahin asoi thei sih hi. Huleh kouhtuama member a pan jiahin mi khat hutdam ahi ngei zong chih theih ahi sih hi. I tup chu ahithe i tana hutdam hi mi member a laah diing ahi.

Dotna 4. Hutdam na hih zoh apata Pathianin na hin khua a nna atoh daan themkhat soi in.

4. Mi kitohpolhte (Mixed Multitude)

Kouhtuamin hoihtaha etchianna neiloua member amawh laahlut chiangin mipi kitohpolh ahung umdoh veu hi. 2 Kor. 6:14-16 sung i sim leh "Dihtatna leh dihtatlounhain bang kikopna anei ei? huleh vaah leh mialin bang kithuahna anei ei? Huleh Khrist leh Belialin bang tankhawm anei viai? Huleh Pathian biaahinn leh milemte'n bang kizopna anei viai? Ajiahchu nanguh chu Pathian hing biaahinn na hi uhi" chih i mu hi.

inchu dawng 41 a zong tualsung kouhtuam kibehlap thu mah soi ahijiahin, hutdamna uma, Baptisma tanga, huleh tualsung kouhtuama kibehlap a um ahi ngei mai uhi. Mi khat Jesu Hundampa a poma hutdam ahung hih chiangin Hagau Baptisma tanna jaalin Khrist Sapum Kouhtuamah behlapin aum ahi (I Kor.12:13). Silbawlte bung niha mite chu tuia Baptisma atan masiah uh tualsung kouhtuamah member a behlap ahi nai sih uhi.

Silbawlte 2:41 leh 47 in gingtu thahte tualsung kouhtuama kibehlapsaha ahilah tualsung kouhtuama member hihna diinga bang silte poimoh masa diing adiai? Dawng 41 in ahung hilh hi. "A thu pomte" huleh "Baptisma tangte" ahi. Hutdam hia, Baptisma tangte chauh tualsung kouhtuamah member ahi thei hi. Hutdam hizongleh Baptisma tang nuamloute huleh Baptisma tangta hizongleh hutdamna kichiantah a neihlough leh mi koimah tualsung kouhtuam ah member ahilough diing ahi.

Kouhtuam member hihna chu Baptist Distinctive dangte zousiah banga mahni utthua hih diing chu ahi a, hizongleh hihlouthei (Optional) chu ahi sih hi. Pathianin gingtute zousiah chu tualsung kouhtuam khata active member hi diingin ahung deih hi. "Lalpa'n nichinin abehlap jing hi" chih ahi (Sib. 2:47). Pathian thuin gingtu khenkhatte a kouhtuam member hihna uh asoikhel louh vangin Khristian koima Baptisma tang utloupia kouhtuama tel thu zong asoikha hial sih hi.

Hehpihna ah khangun.....



"Pathian apaahawiva, mi zousiah deihsah jawngin aum veu uhi. Huleh hutdamna hung mu photmahte chu Lalpa'n ni chinin akawmvah abehlapsah jeel hi."

(Silb. 2:47).

Pathian kouhtuam masapeente chu ni chinin member thahin abehlap jeel hi. Hichih chu tulaia ei kouhtuamte diinga zong vangpiaha nasatah hiloudiing adiai? Hi Bible dawng hi ni china simin eiuh kouhtuam zong hitobang a vangpiaha tangtaaha bawl diingin Pathian kawmah i ngen diing uhi.

Huleh heetna ah

Silbawlte 2:41- 47

Romete 1:7,8;6:20,22

I Korinthte 1:1;2:1,2

Ephesite 1:1;2:1-5

Philippite 1:1

Kolossite 1:1,2

I Thess. 1:1-10

Dotna 1. Tualsung kouhtuam member khat hihna diinga poimah masa sil nihte bang leh bang ahiai?

3.Gah etchian (Inspecting Fruit)

Eiuh Khristiante hi mihing i hihjiahun gingu dangte awimoh bang, a lungtup uh hea kingaihtuah bang, ahilhleh Pathian awilouh ahih chiantaha kihe khollou silte tungtaanga siamlouh tansah bang i ut pahpah hi. Midang awimoh (siamlouhtansah) i haat louh diing ahi. Ahiinlah Baptisttu Johnin a thusoi ngaikhetute kawmah, “Kisiih min potaahin gahun” chiin ahilh hi (Luke3:8). Huleh Jesu ngeiin zong “amah uh chu ahilh a, a gahun na he diing uh” achi hi (Matt. 7:20). Apostle Johnin “Amah ka he chi ngaala a thupiahte juilou chu mizuau ahi, huleh thutah amahah aum sih hi” chiin agial hi (I John 2:4). Soidaan tuamin, mi khat Jesu ginna chu a thumannain gintaat ahuaisah hi. Pathian tate chu a natoh hoih gahun ahesah diing ahi.

Baptist kouhtuamte'n hutdam hisate chauh member hi diing chih i paipih diingin chu member hih diing ngetna gah etchianna a neih ngeingei diing uh ahi. Pathian chauhin mihing lungtang mu a, he ahijiahin Amah chauhin koi hutdam, koi hutdam hilou chih ahe hi. Hizongleh hi mite chauh hi diinga alemkuat taah jiahin kouhtuamte'n ahitheh tana hichu suhdih tum diingin mohpuaahna i nei uh ahi.

Dotna 2. Member hih utte hutdamna thu toh kisaiin bangchi bangin pan na la diai ? Chih chu, bangchiin hutdam ahih hihlough na hethei diai?

Member hih ut candidate chu pilvangtah leh haamteina toh anuaia kigial lam thumte a etkhiaah theih diing ahi:

a. Gingu thuphuan (statement of faith) Angentuin tanchinpha umdaan taangpi asoichian theih a, huleh hutdamna toh kisai Bible dawng kituahtah (a Bible a bang chiahin hi sih zongleh) asoi theih diing ahi. Huleh huchu ama'n dih asahna utna leh Jesu Hundampa a apomna asoidoh diing ahi.

b. Pathiana muhna (Experience of New Birth) Ngentuin bangchibanga Pathianin amah a hutdam thu amah hinkho thu themkhat, Khrist apom utna jiah tan leh apoma ahamaan taah daan thu asoi theih diing ahi.

c. Khristian ahihna hinkhua (Christian Experience) Pathianin amah ahutdam apata Pathian deihna banga hagaulam hinkhua a akalsuan daan thu malam nawta apai jeel daan thu themkhat asoi theih diing ahi.

Pastor khat toh diing dawl i ngaihtuah chu Bible soi daan toh akituaah diing ahi. Bible in Pastor min asoi thum te- *Pastor; Upa, houtu* ahihloughleh *enkoltu*, i en diing uhi.

1. Pastor (chingtu)

Grik haama “poimen” apat kilet ‘pastor; chih chu “belampu” chihna ahi. Belamhon chingtua pangpa chihna ahi.

Hichu John 10:11 ah Jesu Khrist belampu hoih bangin, Heb. 13:20 ah Belampu loup, huleh I Pet. 2:25 ah i hagau uh Veengtu (Belampu) bangin asoi hi.

Belampuin chu lungneemtaha kepna pilvangtaha puuina, huleh haattaha veenbitna a ensah hi. Hitobang hihnate chu belampu a diingin apoimoh mahmah a, huchiin Psalm 23 na chu Bible pumpi sungah akihe naah peen leh ngaihnat peen asuahta hi.

Khrist in kouhtuam kawma silpiaah nei mi koi koi aha apiahte lahah pastorte zong atel hi (Eph. 4:11). Thuhun Thahin “ching” chih thuteng chu Pastor natoh toh kisaiin thumvei ajang hi (John 21:16; Silbawlte 20:28; I Pet. 5:2). Pastorin Pathian belaam pawlte lama belampu banga a natohna chu Pathian thua vaah (chawm) ahi. Pathian thu tanghou, tui, bawngnawi huleh ann chu belamte kawma apiaah diing ahi. Hikhuin amah uh avaah khang diinga, natoh hoih tong diingin abawl diinga, thuhilhna dihluu apat ahumbit diing hi.

2. Upa (Elder).

Upa kichi thuteng chu Grik haama “presbuteros” apat kiladoh ahi a, a umjia tah chu “Upajaw” chihna ahi. Achaang chiangin hichu Luke 9:22 a i muh bangin tahsa kuma upate chihnain zong akijang hi. Tanchinpha lamah chu ataangpiin

Tualsung kouhtuam khat gingtu leh gingloute kizopkhawma natohkhawm chu Pathian thu toh kikalha dihluu ahi. 2 Kor.6:14 in “Ginglomite toh kituaahlouin ngawngkol pokhawm sih un” achi hi. Bawng leh sakol bang loukaai diinga ngawngkol akipuah khawmsah ngeilouh mah bangin Pathianin gingtu leh gingloutu kouhtuama umkhawma natongkhawm diingin lem asa sih hi. Gingtute chu gingloute adiingin, gingloute lama tong diing i hi zaw uhi.

5. Khrist a Khat (One in Christ)

Tualsung kouhtuama memberte gingtu dihtahte chauh ahieh chiangin “Khrist a Khat” chih aum thei chauh hi. “Eiuh Judate hiin, Jentailte hitalei, suaah hiin suaahlou hitalei, i bawnnun Sapum khata um diingin Hagau khata Baptis in i um uhi; huleh i bawnnun Hagau khat maha dawnsahin i umta uh” I Kor. 12:13 in achi hi. Eph. 4:4 in “Kouha na umna peen uh kinepna mun khata kouh na hih mah bangun Sapum khat leh Hagau khat aum hi” achi hi. Gingtute chu Hagau a pumkhat ahi uhi. Tualsung kouhtuamah ginglumi tel taleh hi kipum khatna chu atahtah hi thei lou diing ahi.

Ahiin, kouhtuam memberta piangthah veh ahihmanin kouhtuamte natohna leh silbawlina lam chintengah kipumkhatna aumveh diing chihna zong ahithe diah sih hi. Member chintengin hagau dimna hagaulam hinkhua a pichinna ahung neih chiangun pumkhata natohna a um thei chauh diing hi. Piangthahlou membertein hutobang hihtheihna diing lampi adaal hi.

6.NNa kitohsahtuahna (Mutal Ministry)

I Kor. 12:7 dungjuin gingtu chintengin hagaulam natohna diingin silpiaah adong chiat uhi. Peterin hichibangin achi hi,

“Mi chinin silpiaah na muh bang jeelun Pathian hehpihna chi tuamtuam keemtu hoihtahte bangin, hutein nna kitohsahtuah chiat un” (I Pet. 4:10).

Hi silpiahte tup pipeen chu “Khat leh khat nna kitohsahtuah” ahi. Thuhun Thah sung i et leh “Khat leh khat” chih hi atam mah mah hi. Khat leh khat kilungsiat diing, khatle khat kingaihdam diing, khat leh khat kahasot diing, khat leh khat kihamuan diing, khat leh khat kizahbawl diing, chih leh adang dang aum hi. Khatn leh khat kiphunsan louh diing, huleh khat leh khat kihaamteisah diing chihte bang.

Khat leh khat chihin gingtute kipumkhatna akawh hi. Khat leh khat kilungsiat diing chih thupiaah hi sawm vei tah anuaia munte ah muhin aum hi:-John 13:34;5:12,17; Rom.13:8; I Pet. 1:22; I John 3:11,23; 4:7,11; II John 5. Tualsung kouhtuamte’n khat leh khat kikaala bawl diing a kisoil silte bawl ta mai leh chu kouhtuam hoih leh haat mah mah hung suaah mai diing ahi. Khat leh khat kilungsiat tuah saangin mun tamtahte ah chu khat leh khat kimuhdahna leh kisoisiatna atamjaw hi. Huleh hitobang khat leh khat kilungsiatin nna tongkhawm lei chu kouhtuam member zong akibehlap ngei diing hi.

Nichin hinkhua a suhlat

Bible Pathian huhaihkhum hihna leh thuneihna chihloun kouhtuam member mi piangthah ahi diing chih hi Baptist Distinctive poimoh peentah chih phial ahi.

Hitobang kouhtuam a member na hi ei ? Na hih leh na gingtu hihpihte chu Khrist a na unaute ahi uh chih Pathian thuin ahung hilh hi. Hutobang a unau hihna leh pumkhat hihna bang na sulang ei ?

Jilmun - 9 PASTOR

Office nihte laha khatna

Pastor in Pathian mite nna atohsahna ah tahdaan thum anei hi.

Kouhtuam khatin a Pastor u’chu vaipotu, satu, hamuantu, hunvomtu, khotaang lamkaitu, lemguattu, lamkai, phutdohtu, lemnasiamtu, jawlnei, belampu, hilhtu, veengtu huleh vehtu chih bangin lam tuam tuamin achi thei hi.

Dotna 1. Hite chihlou na pastor uh kouhna diing min na soi beh theih aum ei?

Pastor koimah atunga kisoite hitheiveh aum ngei sih diing hi. Huleh Pathianin zong hi diingin atum sih hi. Jerusalem kouhtuam kipat tuung laia apostlete tunga toh diing kibehlap tobanga ahung um tahin - huleh huchu meithaite nichin taahsapna panpih tungtaang ahi a-Apostlete’n hichiin adawng uhi: “Pathian thusoi tawpsana dohkaana neeh diing nna ka toh uh ahoih sih diing hi. Hujiahin, unaute, na lahva Hagau Siangthou leh pilna a dim mi min hoih ngen sagih teel un, keiuh chu haamtei leh thunatongin ka um zom jing jaw diing uh” chiin (Silbawlte 6:2-4).

Dotna 2. Na pastorpa adiingin haamtei leh Pathian thusoi hi apoimoh masapeen ahi chi a ngaihna hi na pompih ei ? Bangjiahin.

Grep huan bawltu te'n a gah aneeh diing uh akikhaam ngei sih hi. Huleh gan khawitute zong a nawi neeh diing zaahdah ahi ngei sih, chih (dg.7).

Huin Paulin akhauh zaw seemin anialna (argument) ahung bawl zom jeel hi. Bawngtal buhchil laia amuuah kaaan louh diing kichipeen Pathianin bawngtal tung taang a kijanga tawp mai diing chi hilouin etsahna nei a thu kiso i ahi-Thunatongtute chu Pathian mite silpiahte (Thohlawmte) a ahin diing uh chihna ahi chiin ahilhata hi. Nidanga Levi chite leh Siampute'n maitaama sil kilaantea tan aneih bang uh ahi chiin zong ahilh hi (dg. 13,14).

Lehkathot dangte ah zong etton diing aum hi. Paulin Gal. 6:6ah “Thuhilha umpain a hilhtu kawmah sil hoih zousiah pepal heh” achi hi. Huleh Rome mite kawmah Paulin “Misiangthoute taahsap awng husah unla, mikhualte kipaahpih jing un” achihna ah thohlawm piaah lam kawh ahi chih zong aheet theih hi (Rom.12:13).

7. Thuneihna zatlouh hun

Paulin Apostle ahihna jaala kouhtuamte panpihna tang diinga lawm ahih daan tamtah soi mahleh aman hi thuneihna azat jingtuanlouh daan II Thess. 3:7-9 ah asoi hi. “Thuneihna ka neihloughjiah uh ahi sih a, na hung zuih diingva etton diingin ka kibawl uh ahi jaw hi” achi hi. (dg.9). Thessalonika khua a mithasia nna tongloua aneeh tum koite aha aum jiahin Paulin amah uh etton hih utna jiahin a Apostle hihna thuneihna (right) jang nuam lou ahi. Apostle hihna jiahin “Hizongleh ke'n chu hi silte (hi thuneihnate) khat beeh ka zang sih hi” achi hi (I Kor. 9:15).

Israelte laha vaihawmtu upate lam deuh chihna in akijang a, hizongleh tualsung kouhtuamah hagaulam a mipiching-houtu diinga zat taah mi akawh hi.

Tualsung kouhtuamin khopi chinah upate aguat uhi (Silb. 14:23; Tita 1:5). “Upa vaihawm hoihte chu alehniha zahbawl tuaaha seh ahi uhi, adiahkholin thu leh thuhilhna lama tonggimte chu” I Tim. 5:17 in achi hi. Upa Peterin a upatpih dangte chu etton taah khopa hinkhua man chu lamkaihna daan haattah ahi (II Thess. 3:7,8).

3. Houtu (Bishop)

Grik haam a “Episkopos” apat kiladoh houtu (bishop) chu “enkoltu” chihna ahi. Ama'n chu kouhtuamte a makaihin lampi akawhmuh ahi. I Pet. 5:2 ah a natoh chu “amah uh” “enkol in” chih i mu hi. I Pet. 2:25 na ah Jesu Khrist chu i hagau uh chingtu (veengt, houtu) chihin i mu hi.

Thuhun Thah a kouhtuam houtu (bishop) in gam liantah sunga tualsung kouhtuam tampite enkol ahihna akimu sih a, tualsung khat houtu chauh ahizaw chih akilang hi. (Phil.1:1). Amijia diing uh chu I Tim.3:2; Tita1:7 leh I Pet. 5:2 in ahung hilh hi.

4. Pastor-Upa-houtu

Pastor, Upa, houtu chih panmun (office) hi mi khat a kigawmkhawm ahihna Silbawlte 20:17 in “Upate” a chi a, 20:28 in “houtute” achi a, huleh 20:28 mahin Pathian mite “Vaah” (pastor) chih asoi hi. Tita 1:5 in “Upate” achi a, dawng 7 in “Houtute” achi kiit hi. Huleh I Pet.5:1,2 in lah Upate chu kouhtuamte enkola vaah diing a hasot in natoh thumteng agawmkhawm veh hi.

Bang diinga Hagau Siangthouin mi khat panna (natohna) lam tuam tuama soi adiai ? A natohna tungtaang chian sema heet ahihna diing deihna ahi diing hi.

“Pastor” bangin kouhtuamte Pathian thuin avaah a, “Upa” bangin etton hinkhua a zang a; huleh “Houtu” bangin kouhtuamte natohna alamkaih hi.

5. Pastor loh piaah

Pastorin a natohna mipite apat loh aneih diing ahi maw chiin mi khenkhatte’n a dong hi. Dotna chu kouhtuamin sum anei diai mah aha, ahilhoulleh pastorin sum amamoh diai mah chih hilouin, Pathianin pastorte’n hi loh asaan diing uh deih ahiai, ahilhoulleh natoh dang khat tonga akivaah diing uh deih ahiai, chih ahi.

Hi dotna dawnna I Tim. 5:17 ah amuh theih hi. “Kouhtuam upa vaihawm hoihte chu alehniha zahbawl tuaaha seh hi uheh, adiahkholin thu leh thuhilhna lama tonggimte chu”. Hi Bible dawng in Pastor natoh Nih ahung hilh hi. Khatna chu - Pastorin atonggim hi. Tonggim chih umjia chu tawl ngii ngeei a, thahaatna zang bei khopa toh chihna ahi. Pastor adiingin Pathian thu sima, asoi leh akhawh heet tuma nasatah a ngaihtuaha, hu thutah amuh dohte a belaam pawlte vaahna diinga zat tum chu natoh gimhuaitah hi ahi. Kouhtuamte veh a, a hahsatnate uh thuaahpih a, panpih angaihnatnateva panpih leh buaipih chu pastor diinga tohgimna mahmah ching ahi.

Dotna 3. Pastor in a belaampawlte ann neeh diing angaihtuah (abawlsah) na lampang toh kisaiin kouhtuam memberte mohpuaahna bang ahiai ?

Nihna chu- Pastor natoh nihna chu vaihawm ahi. I Tim. 5:17 a “Vaihawm” chih thuteng chu lapawl sate ma a a

houtupa uh adin banga “Ma-ading” chihna ahi. Pastorin kouhtuam sunga memberte natohna a enkaai hi. Midang natohna etkai leh lamkaih chihte hi sil hahsa-tawlne leh gimna huam ngentang ahi.

“Vaihawm hoih” leh “thu leh thuhilhna lama tonggim” pastorte chu alehniha zahbawl tuaaha ngaihtuah diing ahi. Paulin hi thu hilhnain Thuhun Lui lama etton nih azang hi. “Ajiahchu Pathian lehkhathuin, Bawngtalin buh achil laiin amuuah kaan sin” chih leh, “Natongtu chu loh mutaah ahi” chih (I Tim. 5:18). Huchiin alehniha zahbawl chihchu kipaahpihna thu hilh mai hilou in suma kithuahpih chihna zong ahi.

6. Bawngtal-Siampu-pastor

Paulin Korinth Kouhtuam a muhdoute lah a kum khat leh akim nna atoh nungin mun dang ah a chiahsanta a. Huin mi khenkhatte’n Paul thuneihna-apostle ahihna ginglelin buaina ahung bawlpanta uhi. Hu mite silbawl dawnbutnain Paulin I Kor. 9 a thute agialta hi. Dawng 4-6 sungah ama’n, Neehna diing leh dawnna diing thu neilou ka hi viai mah ? Sawlleh dangte leh, Lalpa unaute leh, Kipha banga unaunu khat kipuileh a, ji a nei theilou ka hiviai mah ? Ahilhoulleh natoh louhna diingin kei leh Barnaba chauh thuneilou ka hi viai mah ?” achi hi. Hitah a thuneihna (power) chu “right” ahilhoulleh “authority” chihna ahi. Paulin hichibanga dong daan ahi, “Nang uh neihsa ne-a dawn-theihna “right” nei lou ka hi viai mah ? huleh Khristian unaunu khat nanguh seenna a ji a nei theilou ka hi viai mah ? huleh Barnaba leh kei chauh hi na tonglou a thusoitu hihna neitheilou ka hi viai mah ?”

Paulin hi tungtaang aheetsiamna diingun etsahna diingin ni chin hinkhua a silbawl tawndaan bangzah aha asoi hi. Sepaihte inn lama loh lain gaal a kaap ngei sih hi.

Jilmun -11

KOUHTUAM LEH SOLKAR KIKHENNA

Pathianin Kouhtuam leh Solkar adiingin toh diing leh mohpuaahna tuamtuam abawlsah hi.

Thumapui : Gam khenkhat ah solkarin kouhtuam a thuneihkhum a, huleh khenkhat ah chu kouhtuamin solkar a thuneihkhum. Gamdangte'n lah solkar kouhtuam anei uhi, chihchu a gam vah sahkhua khat chauh juih diing lemsah ahi a, huchu solkarin panpihna bang apia hi. Solkar hiin, kouhtuam hileh khatin khat tunga thuneihna aneih pouhmah inchu ahihloulleh anihva kizopna bang aneih pouhmah unchu, huchu Pathian deih daan hilou ahi.

Communist gam tamtahte'n khauhtahin sahkhua a control va, kouhtuam jaleentaha kikhop bang, tanchinpha phuanjaah bang, van neih bang, sumlehpai zat bang leh Pathian thubu neih bang adaal uhi .Europe gam khenkhatten solkar-kouhtuam kizopna anei uhi. Amahun sahkhua khat recognised abawlva, hu pawl chu solkar sum in apanpih uhi. A Pastorte uh a chawmsahva, a innte uh akepsah uhi. Solkar lutang chu kouhtuam lama zong lutang ahi mai a, England gama kumpinu Elizabeth chu England kouhtuam lutang ahih mah bangin.

1. Kouhtuam leh solkar kikhenna

Bible in (1) Kouhtuam-Solkar kichimatna um banga kouhtuam leh solkar kizopna aum louh diing, (2) Solkarin kouhtuamte sahkhoham silbawl athuneihkhum louh diing chih bang, huleh (3) pawl aha, kouhtuam aha in solkar natohna a thuneihkhum louh diing ahi chih ahung hilh hi chih i gingta hi.

Nichin hinkhua a suhlat

Na Pastorpain upa ahihna lam toh kisaiin belaampawlte etton taah hinkhua aman apoimoh ahi. Hutobang juih taah hinkhua amang na chih hesiam diing khop in na Pastorpa na he ei ?

Na Pastorpa uh hoihtahin kithuahpihna na pe jing na viai ? Nangmah tanvou na tuaah diing lawm thohlwm na pe jing ei ?

Jilmun - 10

DEACON : PANMUN NIHTE LAHA NIHNA

Deacon panmun (office) chu mipite natohsahna mun ahi.

Pastor saangin deacona pang thei mi atamjaw hi, ajiahchu Pastor khat nei kouhtuamte'n deacon tamtah anei hi. Deacon nna hoih tongte'n kipaahman muh diing Lalpa'n achiam hi, Kouhtuam upa (deacon) nna hoihtaha tongte'n dinmun hoihtah leh, Khrist Jesua um ginna lama haansanna loupitah akisiam uhi" achi hi (I Tim. 3:13).

1. Deacon qualification (I Tim. 3:8-12).

I Tim.3:1-7 sunga Pastor qualification diing kiso'i leh I Tim.3-12 sunga deaconte qualification diing kisoite akibang sim thou hi. Huchiin Pastor diing mi hoihtah apoimoh a, deacon diing chu themkhat hoih khol sih zong leh uh hithei inte chih diing ahituan sih hi.

2. Deacon mohpuaahna

I Tim. 3:8-13 sungin deacon mijia diing asoi a, hizongleh a natoh diing lampang asoi kha sih hi. Ahihvangan a min umjia apatin a natoh diinguh aheet theih hi. Saap haama "deacon" kichi chu Grik haam a "diakonos" apat kila ahi a, huchu natohsahtu (suaah) chihna tobang ahi. Hujiahin Kouhtuam deaconte chu kouhtuamte natohsahtu mohpuaahna anei a, deaconte'n ahihleh Kouhtuam tahsalam natohsahna mohpuaahna anei uhi.

Silb.6:1-7 ah Thuhun Thah kouhtuama deaconte panmun kisoina masapeen i mu hi. "A nichin sil hawm tungtaang vah Grik haam jang Judate chu Hebraite tungah ahung phunta va. Huin sawmlehnite'n nungjui mipite akou-uhi.

Pathian thusoi tawpsana dohkaana neeh diing nna ka toh unchu ahoih sih diing. Hujiahin, unaute, na lahva Hagau Siangthou leh pilna a dim mi minhoih ngen sagih teel un, amahun chu hi silngaihtuahin i bawl diing uh" (Silb. 6:1-4) chih. Hichu mohpuaahna (natoh) chu kouhtuam tahsa lam hinkhua a natohsahna ahi.

Deaconte chu Pastor natohna panpihtu- umlouhna aneih chiang banga a luanga thusoitu leh hilhtua pang thei diing, kouhtuam memberte kanna leh vehna a panlatu, Baptisma tanna leh Lalpa ankuang luina a panpihtu, kouhtuam van neih leh lam keemtu, member thah diing ngaihtuahtu leh Pastorin tawpna bang aneih chianga Pastor thah diing ngaihtuahtu diing ahi uhi.

Nichin hinkhua a suhlat

Pathianin deacon mun luah thei diinga midangte natohsahtu hihna mohpuaahna nei thei mi lawi khat kouhtuamte ahung pia ahi. Ahiin deaconte chauh midangte natohsahtu diingin Pathianin achi sih a, gingtu chinteng khat leh khat nna kitohsahtuah diingin ahung hilh hi. Na umna kouhtuam ah bangtobangin midangte natohsahtuin na pang ei ?

Jilmun - 12

BAPTIST-TE TANCHIN

(Baptist History)

Baptistte tanchinin Bible thutah goutan a a neih daan u'bang, Kouhtuam khat leh khat kikaala kipawlkhawmna aneih daan uleh sahkho jaleenna aneih daan uhaw bang ataah lang hi.

Kouhtuam khat hikhu Baptist kouhtuam masapeen ahi chia soi diing ahahsa hi. Ajiahchu Baptist thugin peen hi hun hung kiheng touh dungzuia hung kimudoh tou ana hi. Kum 1644 chiang ah chu tulaia i neih tobang Baptist kouhtuamte aumta hi.

Dotna 1. Baptistte tanchin na geel chiangin na lungsim ah bangbang kouhtuam minte ahung kilang ei ?

John Smyth in England kouhtuam (Church of England) kum 1606 in anusia a, pawl tuam um khat Gainborough ava zop hi. England Kumpipa James I in tuam-umpawlte a sawi jing naahlai jiahin Smyth leh Thomas Helwys lamkaihin Holland gama Amsterdam khopi ah ataaita uhi. Kum 1608 aha, 1609 ahain Mennonites kichi pawlte zohneina (influence) jiah hi mai theiin Anabaptist khat ahung hita hi. Ama'n chu gingtute chauhin Baptisma atan diing uh ahi chih apom tinten hi. (Anabaptistte bangin ama'n hulaiin phuum thoh louin gingtute thehthohin Baptisma tangsah jiang zongleh). Smyth in midang sawmli veel diing toh amah leh

I Kouhtuamteun solkar kawma akipuaah daante uh apoimohna umjiahin apiah lut uh se sih mah leh solkarin kouhtuamte thugin leh biahna leh vaihawmna a akikum louh diing ahi. Pathianin solkar leh kouhtuam aphuhdoh tuaah ahi. Huleh Ama'n a toh diing uleh a mohpuaahna uh tuamtuaah a guatsah ahi.

2. Pathian kawm leh kaisar kawma piaah

Matt. 22:15-22 sungah Pharisaite'n Jesu athusoi mat atupna uh thu akimu hi. Amahun Jesu phat heemin akawmah "Kaisar kawm a siah piaah siang ahiai?" chiin a dong uhi. Abang chi jawngin dawng zongleh a suahtaata theih louh diing tupna a hi dotna adot uh ahi. "Piaah siang" achih lelah Judate lungthah sah diing;" "piaah sianglou" achih lelah Rome mite lungthahsah diinga solkar tunga helna thu soi chia ngoh theih diing a ngaihtuah uh ahi.

Hizongleh Jesu'n a lungtup uh ahe a, a sum uh khat et diing angeen a, huleh atunga tuang khu koi lim ahiai chia adot leh, amahun Kaisar lim chiin adawng uhi. Huphetin Jesu'n "Kaisar silte Kaisar kawmah pia unla, huleh Pathian silte chu Pathian kawmah pia un" achi hi. Kaiser kawma siah piaah chu Pathian ngaih in adih a, hizongleh mi khatin Pathian tan lawmte chu Pathian kawma apiaah ngeingei diing ahi. Hitah a Jesu dawnnain mihingte mohpuaahna thuah nih ahung hesah hi, huchu-solkar leh Pathian lama i mohpuahna uh ahi. Anihun i juih diing uh thuneihna anei va; hizongleh atuam tuaah ahi uhi. Rom. 13:1-7 sungah solkkarte toh diing silte soi ahi a, huleh Mat. 28:19,20 ah kouhtuamte toh diing taahlat ahi. Hitah mun geel i sim leh solkar leh kouhtuamte toh diing sil atuam tuaah ahi chih amuh theih hi.

3. Khrist Lalgam leh hi khovel

John 18:28-40 sungah Jesu Kros a kilhbeh ahih ma a Pilat ma-a adinna thu i mu hi. Pilatin Jesu kawma, Judate kumpipa na hi eimah chia a dotna adawngna ah Jesu'n Judate kumpipa ahih thu chu asoi a, hizongleh, "Ka Lalgam hi khovel ahih sih; ka Lalgam hi khovela hitaleh Judate khut a piaahkhiaah ka hihlouna diingin ka suahte'n adou diing uh; hizongleh ka lalgam chu hitah ahi nai sih hi" achi hi.

Jesu'n tulai khanga a vaihawmna chu political vaihawmna ahih sih hi. Jesu Pilat ma a a-din laiin kouhtuam um nai sih mah leh Jesu Lalgam leh khovel lalgam umdaan atuama kikken ahih chih a thusoi ah akilang thei hi.

4. Amasapeena Pathian thuman

Silbawlte 5:17-29 ah Khrist thu asoi jiahva Apostle te suangkula kikhum thu i mu hi. Pathianin a vaan Angel sawlin amah uh apawtdohsah a, ajiing ni in a thusoi uh asunjom kiit uhi. Vaihawmtute'n aman kiit va, "Hi min a thu hilh kiit talou diingin thu khauhtahin ka hung peta uh hilou maw?" chiin adongva. Amah un, "Mihing thu saangin Pathian thu ka man zawh diing uh ahi" chiin adawng uhi.

Hitaha Apostlete dawnna ah Pathian leh mihinga thuneihna nih um thu akimu hi. Huleh hitah ah Solkarin Pathian thu manglou diinga thu ahung piaah chiangin bang bawl diing ahiai chih zong ahung hilh hi: mihing thu saanga Pathian thu man zawh diing ahi, chih. Eihh Khristiante'n i lamkaite leh gamsung daante manlouna diing lampi i hawl sih, ajiahchu Bible in gingtute chu solkar thuin Pathian daan ahung kaih khaahin chu gingtute'n Pathian daan peen i ngaihkhawh zawh diinga, i man zawh diing uh ahi.

Old Testament lai leh tulai kibatlouna

Theocracy : ThuhunLui laia Israelte kipuaah daan chu "Theocracy" kichi - biaahna leh khovel solkarna kigawmkhawm ahi. Siampute'n Pathian daante ahilhva, kumpipate'n hukhu zangin vai ahawm uhi. Tulai in huchibang ahi nawn sih hi.

te leh adang dangte thunatohna mangin revival meisi ahung jaapkuang ta hi. Hu revival chu England kisiamthahna Nihna (Second Reformation of England) chiha heet ahung hita hi.

(2). Kum 1800 laia English Baptist Mi Nihte

Baptist kouhtuamte laha halhna chu kum 1800 na sung tanphain ahung umpeh a, huleh kouhtuam khantouhna leh Missionary natohna ahung umdoh lohta hi. Hu hunlaia Baptist lamkai minthang chu Baptist mission lamkai William Carey leh Baptist thusoitu minthang tah Charles Huddon Spurgeon ahi.

William Carey (1761-1834) chu a naupan laiin keengtrophah khui leh phohtu-a pang ahi. Hikhuin a thunatoh kipat chiil laiin sumlama hahsatna apanpih mah mah hi. Haam lama siamna leh lungluutna aneih kiheetin amahle-amah haam nga akihilh siam hi. Kum 1789 in ordained ahi a, huleh England gama Moulton khopi ah Baptist Church khat ah Pastorin apang hi.

Carey in John Elliot leh David Brained te missionary natos daante asim a, huchiin mission natohna lamah nasatahin puahgih ahung neita hi. Khatvei chu Carey in gingloute kawmah tanchinpha soi diingin poimohna thu kouhtuam khat a appeal abawla ahihleh, Dr. Ryland in, “Tou maimai in, vaalnou; Lalpa’n gingloute piangthah diinga akimansah hun chiangin Aman huchu nang leh kei tel sese louin abawl mai diing hi!” chiin kikoukhian adawng hi.

Careyin a missionary natohna ah chiilkhauhna amu tawm mah mah hi, hizongleh ama’n huchu adelh jeel hi. Ama’n lehkhabu neu (phamphlet) “Gingloute hutdamna diinga vanzat diinga Khristiante mohpuahna kanchianna


amah aki-Baptist tahi. Baptisma tansah daan ah dih sih mah leh uh hi gingtute’n chu gingtute chauh Baptisma tangsah kouhtuam chia heet theih kouhtuam masapeen ahung phutdohta uhi.

King James Version kichi Bible hung kibawldoh kum 1611 a England gama sawina ahung daihdeuh tahin Holland gama gaaltaite khenkhat Helwys lamkaihin England ah ahung kilehkiit va, England gama teeng English mite ngena bawl Baptist kouhtuam masapeen ahung phutdohta uhi. Ahiinlah, amahun thehthohin Baptisma atangsah nalai uhi.

Kum 1626 chiangah hutobang kouhtuam nga aumdoh a, 1644 kumin kouhtuam 47 aum ta hi. Hi kouhtuamte chu General Baptist kouhtuamte chia heet ahi uh, ajiahchu amahun Khrist mi zousiah adiingin asi chia tatna vaantaang (general redemption) agingta uhi. Amahun “Baptist” chih min atuungin azang sih uhi. Ajiahchu hichu anunglam deuh a amah uh mijia soichetna banga midangte’n apiaah uh min ahi.

Huleh anung lam deuhin (Khrist in teelte adiing chauhin tatna abawl chih gintaat jiahin) Particular Baptist kichi pawl khat ahung umdoh kiit hi. Hi kouhtuamte’n phuumin baptist abawlva, hichu “General Baptiste’n zong anunglamin ahung juita uhi. Kum 1644 in Particular Baptist Kouhtuam sagih aum hi. Hu kumin hi kouhtuamte’n ginna thupundoh khat abawlva, hukhu ah chu Baptisma chu phuuma bawl diing chih atel hi.

Hehpihna ah hung khang un.....



“Vaan leh lei abei diinga; hizongleh ka thute chu abei sih diing hi” (Mark 13:31)
Tulaiin silte chu agan-a-gangin akiheng jung jung mai ta hi. Hizongleh Pathian thu

kiheng thei ngeilouin hun kiheng jung jung laiah Amah muangte diingin kipna leh hamuanna leh mapuina (direction) ahung pia hi.

.....**huleh heetna ah**

Deut. 4:9 Psalm 78:1-7
Deut. 6:4-12 II Tim. 2:1-10

1. Sawina, jakiaahna huleh halhthahna

Kum 1600 na lailung veelin England gamah Baptist kouhtuamte akiphutdohta hi. Hulai-in hiin, tulaiin hitaleh Baptistte thugin tuambiih (distinctive) telaha khat chu sahkho jaleenna gintaat ahi. Ahiinlah, hu Baptist mi masate chu hulaia khovel vaihawmtute'n sahkho jaleenna ana phalsah sih hi. Kum 1600 na tawp lamah chu Baptistte leh jautat nuamlou pawlte chu solkar leh Church of England in asawi va, suangkul tanpha ah akhumta uhi. Baptist thugin pom, hizongleh Baptist kichikha ngeilou John Bunyan chu a solkar kouhtuam control tute thuneihna nuaia akituhlut nuamlouh jahin Suangkul khumin aum hi. Sawina dang khat chu Five Mile Act of 1665 (Meel Nga Dan) chih ahi. Hi daan in chu pastorte'n khopi khat pouh apat meel nga huap sunga school aha, ahilhoulleh sahkholam, kikhopna abawl theih louh diing chiin akhaam hi.

Dotna 2. Tulaiin Baptistte'n bang tobang sawina tuaahin na he ei ?

England kumpipa James II lallaiin (1685-1688) saina chu themkhat adaai deuh ahung bang hi. Hi jaleenna chu William III nuaiah Tolerance Act of 1689 (Thuaah-theihna Daan) kichi in ahung behlap hi. Hi daanin sahkho jaleenna bukintah aphallouh vaangin malaia saangin jaleenna lianjaw aphalsah hi. Hi daanin Baptistte leh adangdangte chu Church of Englandte thugin - naungeeh Baptisma piah thu gintaat phuutluh ahihna apat a awngtangsa (exempt) hi. Biaahna munte chu kituuptaha bawl ahiphot leh hon phalsah ahi a, thusoitute zong thusoi theihna phalna (license) angai nawn sih hi.

Baptistte'n hi jaleenna kipaahpih zong leh uh, hikhuin amah uh jiah-le-jaal (cause) apanpih thei tuan sih, ajiahchu hikhuin amah lungnopna tahtah ape theita sih hi.

General Baptistte'n kouhtuamte control theihna Centralized kipuaah daan ahung pandohtha uhi. Hichu Church of England in control khum atup laiva Baptistte'n ana nan uh heetdoh thahna giap ahi. Particular Baptistte'n chu Central control a kipuaah daan deihlouin kum 1692 in Kouhtuam 107 pangkhawm association khat aphut khia uhi.

General leh Particular Baptistte'n anihun kithuhilhna (doctrine) lamah zong kikalhna ahung tuahtou uhi. General Baptistte'n chu (Pathian chu person khat ahi, Pathian khat a person thum hilouin) Uniterian thuhilhna gintaatna lamah ahung kiheilut tava, Particular Baptistte ahilhleh tanchinpha taangkoupih (Evangilism) ngaineep khopa Pathian teelna, guatlawhna hyper-calvinism thugin lamah ahung luut ta uhi.

Kum 1700 na kimkhat lah veelin England gamin hagau lama jakiaahna ahung neita a, huleh Baptistte zong England sunga midangte toh hi zakiaahna ah ahung kitohlhluut ve ta uhi. Ahiin, Pathianin John Wesley te, George Whitefield

Bible jilna (Seminary) khat apandoh a, huleh Home Mission Society khat aphutkhia hi.

Kum 1800 na lailung veelin tuni tana Baptistte supoipha kinialkhaahna khat ahung piangdohta hi. Hulaiin Baptist lawi chih theih lawi tuambiih aum sih hi. Baptist kouhtuam malmalte'n ataangpiin missionary natohna lam leh siamzilna (education) lam bangah apangkawm uhi. Hizongleh amahun kouhtuam khat bangin aki-organised sih uhi. Ahihvaingin, United States sungah Foreign Missionary adiingin General Convention of the Baptist Denomination kichi khat aum hi. Atuungin chu suahte tungtaang a missionary candidatete ngaihdaan chu amah uh pomtheihna diing daaltu a ngaih ahi sih a, ahihvaingin suahte tungtaanga ngaihdaan kikalh ahung umphetin General Convention in, suaah khawi neite Missionary a kipom theilou diing chiin thupuan ahung bawla uhi.

Hunung sawtlouin 1845 May hain Georgia gama Augusta mun ah Simlam kouhtuamte apat palai 310 General Convention apat kijuuidoh a Southern Baptist Convention siamdoh diingin akikhawm uhi. Hi Convention chu Missionary Society mai hilou ahi. Hichu Kouhtuamte kigawmkhawm pawl khat ahi uhi. Tuin chu America gama kouhtuamte sungah kipawlkhawmna lamtoh kisaia kikhenna ahung umta hi.

Simlam kouhtuamte'n General Convention apat apawtdoh nungun a min un American Baptist Missionary Union chihin ahengta uhi. Ahiinlah, Maal lam ah kigawmkhawm aum nai sih a, hu 1907 kumin Baptist kouhtuamte'n Northern Baptist Convention chih min kigawmkhawmna khat ahung kichi a, tuin American Baptist Church in the U.S.A. akichita hi.

(An enquiry into the obligation of Christians to use Means for the conversion of Heathen) kichi khat agial a, huleh a sermon minthangtah, "Pathian apat sil liantah muh beisei inla, Pathian a diingin sil liantah bawl tumin" (Expect Great Things from God, Attempt Great Things for God) chih a taangkoupih hi.

1792 kumin Pathian in asiltup alohchingsah a, William Careyin English Baptist Missionary Society phuhdohna apanpihta hi. Calcutta Kawm Serampore ah a natoh apan a, hutah ah a hinkhua kum 41 ajang bei hi. Haam tuam tuam 40 veela Bible lehdohta natoh a panpih a, huleh lehkhua sutna khawl (printing press) khat zong atungdoh hi. Hi natohnain mihing maktaduai 300 vaal Bible neih theihna aguan hi akichi hi. William Carey chu history ah Tulai hun Missionary Pa (Father of Modern Mission) chiha heetin aum hi.

Dotna 3. Baptistte'n bangjiaha missionary natohna kithuahpih diing ahiviai ?

Charles Huddon Spurgeon (1834-1892) chu kum 1800 na sunga England gama Baptist lamkai minthang khat ahi. Amah chu 1850 kumin hutdam ahi a, huleh 1853 in London khopi a South Wark mun a New Park Street kouhtuam ah kouhin aum hi. Kum 22 ahihin amah hun laia thusoitu minthang masapeen ahita hi. Hi kouhtuama kikhopna masapeen ah mi 100 vel chauh ahung kaiva, hizongleh tomkaallouin ahung tamdeuh deuhta hi. Tamveipi kikhopna mun hen lehleh ahi a, atawp ah chu 1861 a kisa

mi 6000 toutheihna Metropolitan Tabernacle kichi biaahinn minthang khu ahung hita hi.

Charles H. Spurgeon chu tuni tanin zong Thusoitute leengpa (Prince of Preacher) chihin a kingai jing nalai hi. Lalpa'n amah chu Baptist Kouhtuamte khantouhna diingin nasa tahin vanzatin anei hi.

3. United States gama Baptist masate

United States gama Baptist Kouhtuamte hung kipatna chu Roger William kichipa natoh jiahin ahi. Kum 1639 a William in aphuhdoh kouhtuam chu America gama Baptist kouhtuam masapeen hi a heet ahi.

Kum 1700 na sung laiin America a Baptist Kouhtuamte'n khantouhna leh masawanna nasatah anei uhi. Hi khantouhna chu kum 1730 na laia England gama hung kipan "Halhthahna Thupi" kichi jaala hung um deuh ahi. Jonathan Edwards leh George Whitefield chu Lalpa'n hi revival puitu diinga amante ahi uh. Kum 1739 a George Whitefield in America ahung veh laiin hutobangmah revival chu America ah zong ahung tungta hi.

'Halhthahna Thupi' tun main Massachusetts sungah Baptist kouhtuam giat chauh aum hi; hizongleh 1740 leh 1775 kikaal sungin kouhtuam 27 dang phuhdohin aumta hi. Kum 1787 chiang ah chu New England pumpi ah Baptist kouhtuam 151 ahung umta hi.

Lalpa'n Hezekiah Smith zong America a Baptist kouhtuamte khantouhna diingin azang hi. Amah mun tuam tuama zinin Maine leh New Hampshire ah Baptist kouhtuam 13 phuhdohna ah vanzat ahi hi. Amah chu Rhode Island College, (Tulai Brown University) kichi America a siam zilna saang masapeen phuhkhiahna leh Massachusetts Baptist Missionary Society muhdohna ah panpihtu zong ana hi hi.

Smith in America Revolution (tualgaal) laiin min hoihtah mai lohin Chaplain nna zong a na tong hi.

Kum 1700 na sung laiveelin Baptist kouhtuamte a diinga chiamchihna tham ching siltung khat chu Philedelphia Association kichi, hu bial sung lahveela Baptist kouhtuamte kipawlkhawmna khat bawldoh khu ahi. Kum tam kuamtah sung Philedelphia bial sunga kouhtuamte chu kipawlkhawmna diing leh kisuhaat diing in a-kikhawm veu uhi. 1707 kumin a kikhop na un palai (delegate) bang ahung neitava, huchu Philedelphia Association kipatna ahung hita hi. Hichu khat leh khat kisuhphtuamna diinga mahni utthua Baptist Kouhtuamte kipawlkhawmna etsahna (example) khat ahita hi. Philadelphia Association in hulaia Baptist kouhtuam dangdangte zong ahung influence (etton khum) mahmah ta hi, huchiin hutobang association dang dang zong ahung piangdohta hi. Kum 1800 chiangah chu America gamah Baptist Association 48 ahung umta hi.

America Revolution in, Pastor tamtahte sepaih a pan jiahin Baptist kouhtuamte khantouhna ahung daalta hi. Ahiinlah, gaal bei nungin khantouh lam ahung nawt kiit thou hi. Hi khantouhna jiah khat ahihleh America mipite lungsima mipi leh State zousiahin Sakhholam jaleenna aphatsah jiah ahi.

4. Kikalh lai nite:

Kum 1800 na sung kipat lai kumte chu Baptist kouhtuamte masawnnain adim hi. Baptist thusoitu jinlehtein tumlam nawtin nna atong jing va, tanchinpha soiin Baptist kouhtuam aphudoh jeel uhi.

John Peck chu kum 1800 sung laia Baptist kouhtuam lamkai khat ahi hi. A thunatohna kum thum masa sungin Baptist Kouhtuam tamtah aphudoh a, Indiante lah ah missionary khat sawlkhiahna pan alaahpih hi. Anung lamin

5. Kumzabi Sawmniha hun

Kumzabi sawmniha kipat chiil laiin sahkhuaana lama thiangauna (liberalism) leh lehkhiasamna lama kidemna (literary criticism) Europe gam apatin United States ah ahung luutta a, Protestant denomination atamzawte leh Baptist Kouhtuamte tanpha ahung tuamkhumta hi. Hi thiangaunain Bible Pathian huhaihkhum hihna leh thuneihna bang, Jesu Khrist Pathian hihna leh, nungaah Siangthoua pianna leh misualte luanga sihna leh, tahsa a thohkiitna leh tahsa a ahung kiitna diing thu - Khristiante thugin kibulphuhnate (Fundamentals of the Christian faith) ahung gingta nawn ta sih uhi. Northern Baptist Convention te'n hi thiangauna apom theita va, huchiin kintahin thiangauna gingtate'n apawl uh ahung control ta uhi.

Hi siltung a muh tah un Northern Baptist Convention sunga fundamental deuh khenkhatten lauthawng huai ahung sata uhi. Amah uh liberalte delhdoh atumva, hizongleh alohchingta sih uhi. Atawp ah amahun Khristian thugin dihtaha ding diing kipawlkhawmna (organisation) thah khat poimoh ahung sa ta uhi. Hujiain kum 1923 in Baptist Bible Union bawldoh ahita hi. Hun tomkhat sung chu amamoh uh dong hu mah leh kum 1926 a phaahtawp a tun nungin kiamlam amanoh pahta uhi.

Baptist Bible Union lohsapdaan muin fundamental gingtu khenkhatte'n Northern Convention chu asung lama pat suhsiang ahung tumta uhi. Adang khenkhatte'n lah amah vapat pawtdoh a organisation thah puhsanna (apostacy) apat kikhentuam khat phuhdoh poimoh ahung sata uhi. Kum 1932 in Belden Avenue Baptist Church, Chicago ah State 8 apat mi 32 in General Association of Regular Baptist Churches kichi ahung phutdohta uhi.

Baptist pawl tuam tuam tampi hitaha soiseeng louh tuniin aum hi. Amah uh khenkhat Baptist General Conference-te bang kum 1800 lai lampeh a kiphutdoh ahita uhi. Baptistte'n Bible Fellowship kichite lah tu kumzabi sunga kiphutdoh ahi. Huleh adang koimah toh kipawlkhawmna neilou Baptist kouhtuam tampite America leh Canada gam mun chinah aum hi.

6. Nichin hinkhua a taahlatna:

Baptist kouhtuamte hinkho taangthuin, hagama daan khat chiantahin ahung hilh hi-huchu, Khristiante'n hi sawihna um hun chiangin ginna lam ah ahoihlouhva, lohchinna hun aneih chiangin a nungtolhloh veu zaw hi. Ahiin chu, gimthuaahnain khanna a siamdoh hi. Hun hoih chianga zong Lalpa toh kitona paikhawmtheih thou ahi. Kiningchinna leh jaleenna hun chianga Lalpa kawm naiha um diing ihiai, ahihlouhleh vangpiahna hung pepa saanga a vangpiahna ngai poimoh zaw diing i diai ?

BIBLE DAANA
BAPTIST-TE TUAMBIHNATĒ

(The Biblical Distinctives of Baptists)

(in Simte)



DONALD K. ANDERSON

&

DAVID M. GOWER